

اليوم السادس عشر من "سلسلة الطريق إلى القرآن"

(باللهجة المصرية)

لفضيلة الشيخ : الدكتور / حازم شومان

رابط المادة : <https://way2allah.com/khotab-item-118.htm>

السلام عليكم ورحمة الله وبركاته، الحمد لله وكفى وصلوة وسلاماً على عباده الذين اصطفى، ثم أما بعد، النهاردة بإذن الله سبحانه وتعالى يا جماعة معانا سورة مريم وسورة طه، وال سورتين أخطر من بعض، ومواضيعهم بالنسبة لنا أهم من بعض.

شوط التربية

إحنا دلوقتي في الشوط الذي من سورة الكهف لسورة الفرقان، الشوط اللي مقص ده تربية المؤمنين، الشوط ده يا جماعة شوط تربية، ربنا يربينا، يعني الشوط ده مش السمت الغالب عليه زي اللي قبله الدعوة وطلبات الدعوة، لا، السمت الغالب عليه أنه لازم تتربي، أنه لازم تخرج من الشوط ده بصفات لو خرجت منه بها، هتبقى لو خرجت بعد كده للدعوة هتبقى داعية تقلب دولة كاملة، أو تقلب العالم كلها.

كل سورة من سور هذا الشوط تزرع فينا صفة أو صفتين، الصفات دي أركان في بناء شخصية الداعية. تكلمنا امبارح في سورة الكهف، وقلنا أن سورة الكهف تبني فيك صفة الحركة ولكن بانضباط، وأنك لازم تبقى واقف على ثغر، تسد ثغر من ثغور الدين، والفهم الشمولي للدين، سندخل في سورة مريم، الربانية واليقين الهائل بالله والثقة المطلقة في قدرة الله سبحانه وتعالى، لأنك وأنت داعية سيقابلك ابتلاءات، لو ما عندكش ثقة أن ربنا يقدر يحميك ويقدر يفرج كربلك مش هتقدر تواصل.

سورة طه

سندخل في سورة طه التي تكلمك عن إيه؟ طه موضوعها في غاية الخطورة بالنسبة لنا جميعاً، طه تكلمك عن نموذج، ربنا عرضلك طول السورة نموذج وهو سيدنا موسى، نموذج مبهر في الإيمان وفي القلب، وفي التربية القلبية، ومبهر في الدعوة وفي صفات الدعوة. ربنا عرض لك النموذج ده، وبعد كدة يقولك إيه؟ خد بالك النموذج داماً طلعش إلا بعد تربية، النموذج داماً طلعش غير بعد ما رببته، يعني ربنا يشرح لك في السورة كيف ربنا رب موسى، لأن سورة طه تقول لك التربية خطيرة أديه، بتقولك خطورة التربية أديه، بتقولك أنت الأول، اهتم بنفسك الأول، ابن نفسك الأول، اسع بقدر إمكانك أنه أنت تبني وتتربي الأول، لأنك لو اتبنيت وتربيت، بعد كدة لما ستخرج للعالم ك داعية، ستقلب الدنيا كلها بإذن الله.

أنت أولاً

ربنا بيقلنا يا جماعة كيف رب الله موسى على معرفة الله، وكيف ربه على البطولة في الدعوة، ومن خلال الكلام ده هنوصل إحنا لإيه؟ خطورة التربية واحنا محتاجين للتربية أديه، ونهنوصل في الآخر إلى كيف تصل إلى الله، ما أنا عاوز أتربي أنا كمان على معرفة الله عشان أبقى بطل. السورة بتتكلك سبع أبواب بيوصلوك معرفة الله سبحانه وتعالى، عشان تعرف الله سبحانه وتعالى حق المعرفة فتبقى بطل، السورة بتقولك إيه؟ عشان نفكّر تاني، أنت الأول، حتى من أولها

ربنا يكلم سيدنا موسى يقول له "إِنَّي أَنَا اللَّهُ لَا إِلَهَ إِلَّا أَنَا فَاعْبُدْنِي وَأَقِمِ الصَّلَاةَ لِذِكْرِي" طه: ٤ الصلاة هنا مع سيدنا موسى ذكرت في الأول خالص، بعد سنين في آخر سورة يونس هنلاقي الصلاة ذكرت مرة ثانية مع بني إسرائيل "وَأَوْحَيْنَا إِلَيْ مُوسَى وَأَخِيهِ أَنْ تَبَوَّأَ لِقَوْمَكُمَا مِصْرًا بَيْوَتاً وَاجْعَلُوا بَيْوَتاً وَأَقِيمُوا الصَّلَاةَ وَبَشِّرِ الْمُؤْمِنِينَ" يونس:

٨٧

يا رب أنت كلمت موسى عن الصلاة من قبل ما تذكر سيرة الصلاة مع بني إسرائيل بسنين طويلة، ليه يا رب؟ يا رب أنت كلمت موسى عن الصلاة قبلها بسنين طويلة ليه؟ كان ربنا بيقل لك مش أنت اللي هتبقي داعية؟ أنت الأول اللي لازم تتبني، أنت أكثر واحد لازم تطبق اللي أنت بتتكلم الناس فيه، وأول واحد لازم تطبق اللي أنت بتتكلم الناس فيه، ولازم لو في واحد من اللي قاعدin قدامك، أو بيدعوا على إيديك، أو بيتردوا على إيديك، لو في واحد منهم مجتهد في العبادة، لازم أنت تبقى أولى منه بهذا من قبلها بسنين، يعني إيه يا جماعة؟ يعني كان ربنا يقول لسيدنا موسى أنت الأول

بل كان الله يقول لسيدنا محمد صلى الله عليه وسلم في آخر السورة أنت الأول، لما ربنا ذكر أحوال الآخرة "وَخَشِّرُ الْمُجْرِمِينَ يَوْمَئِذٍ زُرْفًا" طه: ٢ وذكر الجبال وهي تنصف نصفاً "فَيَذَرُهَا فَاعَ صَفَصَفًا * لَا تَرَى فِيهَا عِوْجًا وَلَا أَمْتًا" طه ٦ : ١٠٧ أحوال رهيبة تحصل يوم القيمة، والفرع اللي الناس بتبقى فيه يوم القيمة، طبيعي أن الرسول صلى الله عليه وسلم وهو خايف على الناس أول مايسمع الكلام ده يقول إيه؟ لا، أنا عاوز أروح أكلم الناس عن الآخرة، عشان الناس يخافوا منها، فربنا يقول له "فَتَعَالَى اللَّهُ الْمَلِكُ الْحَقُّ وَلَا تَعْجَلْ بِالْقُرْآنِ" طه: ١٤ استنى، أوعى تقدر تكرر، أوعى تقدر تحفظ، إمال إيه يا رب؟ سيب المعاني دي تنزل على قلبك أنت الأول، ليه يا رب؟ أنت اللي لازم تتبني الأول

ونفس المعنى مكرر في سورة القيمة لما ربنا كلام الرسول صلى الله عليه وسلم "فِإِذَا بَرَقَ الْبَصَرُ * وَخَسَفَ الْقَمَرُ * وَجْعَ الشَّمْسُ وَالْقَمَرُ * يَقُولُ الْإِنْسَانُ يَوْمَئِذٍ أَيْنَ الْمَقْرُ" القيمة ٧: ١٠ ما هو النبي صلى الله عليه وسلم هيسمع الكلام ده هيترعب علينا، أما أخرج أكلمهم، أما أخرج أكلم الناس، ماضيعش لحظة، استنى "لَا تُحْرِكْ بِهِ لِسَانَكَ لِتَعْجَلْ بِهِ * إِنَّ عَلَيْنَا جَمْعَهُ وَقُرْآنَهُ" القيمة ١٦: ١٧ ليه ربنا بعد أحوال الآخرة في طه وفي القيمة قال للنبي صلى الله عليه وسلم "لَا تُحْرِكْ بِهِ لِسَانَكَ لِتَعْجَلْ بِهِ" ما تقدر تكرر وراء جبريل، سيب الكلام ينزل على قلبك، سيب معاني القرآن يشربها قلبك، عيش في قيام الليل مع القرآن

عيشووا يا جماعة مع القرآن الأول، عيشوا مع التربية الأول، السورة دي بتقل لك أنت الأول، لو أنت اتبنيت صح، لو خرجت بعد كدة والدعوة دي كانت جبل هتشيله، لو أنت اتبنيت صح هتخرج بعد كدة في أرض الدعوة هتبقي جبل يثبت أرض الدعوة ضد أي زلزال، إنما لو خرجت للدعوة وأنت هش، أنا أتكلم عن الدعوة الاحتراافية، مش دعوة اثنين ثلاثة من أصحابك... لا... الدعوة الاحتراافية، إنما تخرج للدعوة وأنت لسه هش، هتفتح بأسرع مما تتتصور، سورة طه تكلمنا يا جماعة كيف رب الله موسى.

الله أكبر

"طه": ١ ده مش اسم من أسماء رسول الله صلى الله عليه وسلم، هذا حروف مقطعة، زي اللي احنا اتكلمنا عنها قبل كدة، اللي من أهم مقاصدتها هو الثقة في الله، ما أنت تقول الحروف دي وأنت مش عارف معناها، بس أقوتها ثقة فيك يا رب، أنك أنت ما بتقلش حاجة إلا و لها حكمة، فمن أوطا الثقة في الله، لازم يبقى عندك ثقة في الله.
"ما أنزلنا عليك القرآن ليتشقى" طه: ٢ انت تعان ليه؟ انت زعلان ليه؟ انت مرهق ليه؟ ده ربنا كبير، من أوطا ربنا بيتكلم سبحانه وتعالي عن نفسه، أنا بحس أن كان ربنا بيقول للنبي صلى الله عليه وسلم كدة، ده ربنا كبير، أنت إيه اللي مزعلك؟ وإيه اللي تعبك؟ وإيه اللي مضايقك؟ وإيه اللي محزنك؟ "ما أنزلنا عليك القرآن ليتشقى" * إلا تذكره لمن يخشى * تنزيلاً مِنْ خَلْقِ الْأَرْضِ وَالسَّمَاوَاتِ الْعُلَى" طه: ٤ افتكر قدرته "الرحمن على العرش استوى" * لَهُ مَا فِي السَّمَاوَاتِ وَمَا فِي الْأَرْضِ وَمَا بَيْنَهُمَا وَمَا تَحْتَ التَّرَى" طه: ٦ افتكر ملكه "وَإِنْ تَجْهَرْ بِالْقُولِ فَإِنَّهُ يَعْلَمُ السِّرَّ وَأَخْفِي" طه: ٧ افتكر علمه، افتكر صفات الملك عشان تعرف أن ربنا كبير، وتعرف إيه اللي زعلك لما ربنا العظيم سبحانه وتعالي بكل علمه وقدرته معك، إيه اللي يقلفك؟ وإيه اللي يزعلك؟ وإيه اللي يخوفك؟ يبقى من مقدمة السورة ربنا يقول لك، ربنا كبير، يبقى أوعى تحاف وأوعى تزعل وأوعى تتعب وأوعى ترهق.

قصة سيدنا موسى

ثم نبدأ في قصة سيدنا موسى وهي عبارة عن ثلاث أشواط
الشوط الأول: موسى وكلام الله، موقف طويل، سيدنا موسى يكلم الله، نسأل الله تعالى أن يرزقنا أن نكلمه في الآخرة وننظر إلى وجهه الكريم، اللهم آمين يا رب، وسيدنا موسى يكلم ربنا شوط طويل، كيف رب الله موسى إيمانيا، ده أول حاجة التربية الإيمانية.

الشوط الثاني: كيف رب الله موسى بالدعوة وكيف ربه بالتكاليف، روح لفرعون، موسى وفرعون، موسى والصحراء، وموسى وشق البحر، ثلات مواقف في الشوط الثاني، إزاي رباه للدعوة إلى الله.

الشوط الثالث: لما سيدنا موسى رجع لقومه بعد ما عبدوا العجل، وظهر أد إيه إيمانيات موسى وأد إيه جهد موسى، وأد إيه فهم موسى، يبقى الشوط الثالث المقامات اللي وصل إليها سيدنا موسى بسبب هذه التربية، عشان تعرف التربية، لو أنت مشيت في السكة دي هتوصل لإيه، عشان لو أنت بتتربي شوف نتيجة تربيتك إيه.

الأول التربية الإيمانية، الثاني هتخرج للدعوة وتتربي أكثر، الثالث هتوصل لمقامات ما كنتش تحلمها في حياتك، ولو أنت رجل مري أو تتابع ناس في الدعوة لو عاوز تربיהם، تربיהם كدة الأول تربية إيمانية، وبعد كدة تبدأ تشغيلهم في الدعوة فيتربوا أكثر وينضجوا أكثر، بعد كدة بص للمقامات اللي هتطلع منهم هتنبهر إزاي طلعت؟ ما دي تربية القرآن يا جماعة.

الشوط الأول من قصة موسى

"وَهَلْ أَتَاكَ حَدِيثُ مُوسَى * إِذْ رَأَى نَارًا فَقَالَ لِأَهْلِهِ امْكُثُوا إِنِّي آتَيْتُ نَارًا" طه: ٩ ١٠ سيدنا موسى خارج من مدین بعد ١٠ سنين، وماشي فعاوز نار "إِنِّي آتَيْتُ نَارًا لَعَلَّيْ أَتِيكُمْ مِنْهَا بِقَبْسٍ أَوْ أَجِدُ عَلَى النَّارِ هُدًى" طه: ١٠

سيدنا موسى رايح يطلب جذوة نار يضيء بها ليه ولزوجته، فرجع بجذوة نور يضيء بها للعالم كله، كان رايح يطلب شوية نار، لقى نور السموات والأرض سبحانه وتعالى، اللحظة اللي أستعمل فيها سيدنا موسى، كان ربنا يقولك ما تعرفش أنت هتستعمل إمتي، ممكن في أي لحظة تستعمل، سيدنا موسى في المواقف اللي قبل كدة في حياته اللي القرآن بيعرضها، تبين لك سيدنا موسى كان يجاهد في التربية القلبية أد إيه، وكان منطلق إلى الله أد إيه، لما وصل ربنا استعمله.

لا تشغل نفسك بالاستعمال

ما تشغلش نفسك في الاستعمال، ما تعرفش ربنا هيستعملك فيين، ولا ربنا هيوقفك على أي ثغر من الدين، اشغل نفسك أنك تبني، وساعة ما تبني ربنا هيستعملك، ربنا استعمل سيدنا موسى، وسيدنا موسى لو كنت تسأله قبلها أنت تقدر تشيل مسؤولية خمسة في الدعوة، يقولك أنا ما قدرش أشيل مسؤولية واحد، وهو جبل، بس ما يعرفش أن هو جبل، وربنا لما استعمله طلع جبل، فأنت اجتهد في التربية القلبية، وما هتملي من جوة، لما الإناء - قلبك - يتمنلي هيبيقي يخرج لبرة، هيبيقي يفيض، ربنا ساعتها هيستعملك في مقامات في الدعوة ما كتنش تتوقعها من قبل.

"إِنِّي أَنْسَتُ نَارًا لَعَلَّيْ أَتِيكُمْ مِنْهَا بِقَبْسٍ أَوْ أَجِدُ عَلَى النَّارِ هُدًى * فَلَمَّا أَتَاهَا نُودِي" طه: ١١ الله أكبر، هناك من ينادون الله وهناك من يناديهم الله "نُودِي يَا مُوسَى" طه: ١١ موسى؟ مين اللي عارف اسمي في الحلة دي؟ أنا ما فيش حد يعرفني هنا "إِنِّي أَنَا رَبُّكَ" طه: ١٢ ربنا اللي ينادي موسى، تخيل أول كلمة ربنا قالها موسى "يَا مُوسَى" يناديه باسمه عشان يرقق قلبه، ده لو رئيس جمهورية قالك يا محمد وأنت اسمك محمد قلبك هيوقع، فما بالك أن الملك يقول "يَا مُوسَى * إِنِّي أَنَا رَبُّكَ" طه: ١١ سبحان رب اعرف الله بالربوبية

أول حاجة لازم تعرف عليها مع الله إنك تعرف يعني إيه رب، تعرف نعم ربنا "إِنِّي أَنَا رَبُّكَ" كل نعم حياتك أنا اللي عاملها لك، كل مشاكل حياتك أنا اللي حليتها لك، كل ما ترفع يدك أنا اللي أنزل لك إجابة الدعاء "إِنِّي أَنَا رَبُّكَ" خدوا بالكم يا جماعة "إِنِّي أَنَا رَبُّكَ فَاخْلُعْ تَعْلِيْكَ إِنَّكَ بِالْوَادِ الْمُقَدَّسِ طَوْيَ" طه: ١٢ بعدها ربنا يقوله "إِنِّي أَنَا اللَّهُ" طه: ٤ يعني ربك قبل الله، إنك تعرف ربنا بالربوبية والنعم قبل ما تعرف ربنا بالعظمة، تعرف ربوبية الله قبل ما تعرف الله بالتكليف، اعرف ربنا بالربوبية الأول، أول حاجة لازم قلبك يتربى عليها نعم الله، لازم تحبيب ورقة وقلم وتكتب ورقة النعم، وتقعد تعدد نعم ربنا عليك، وكل شوية تزود نعم أكثر لما تفتكر نعم أكثر، والورقة دي كل يوم تبص فيها وتقعد تقول يا رب لك الحمد والشكر يا رب، من أعظم أبواب معرفة الله.

تكرم الله موسى

"إِنِّي أَنَا رَبُّكَ فَاخْلُعْ تَعْلِيْكَ إِنَّكَ بِالْوَادِ الْمُقَدَّسِ طَوْيَ * وَأَنَا اخْتَرُّكَ" طه: ١٣ الله أكبر، شايفين التكرم يا جماعة؟ "وَأَنَا اخْتَرُّكَ" ده لو محافظ قالها لي أنا.. سبحان الله، تخيلوا ربنا يقول لواحد "وَأَنَا اخْتَرُّكَ" يعني مش محافظ ولا رئيس جمهورية يقول لواحد أنا اخترتك للوظيفة دي، ربنا اللي بيقول "وَأَنَا اخْتَرُّكَ" هيوقع عليك اختيار الله، خدوا بالكم يا

جماعة، في وظائف كثير جدا فاضية الأيام دي، في بناء الدين وفي مؤسسة الدين، فيه أماكن وفيه ثغور كثير جدا مفتوحة، في أماكن كثير جدا محتاجة دعوة ومفيش دعوة بيسدوها، في علم كثير جدا ناقص، خدوا بالكم يا جماعة، كل دي وظائف غالية، عشان ربنا يختارك لازم تحقق اللي حققه سيدنا موسى "وَأَنَا أَخْتَرُكَ" طه: ١٣ "وَاصْطَبَعْنَكَ لِنَفْسِي" طه: ٤ "وَلَتُصْنَعَ عَلَى عَيْنِي" طه: ٣٩ يا موسى، يا موسى، إيه التكريم ده كله يا رب؟! لازم تعيش في الجو ده أول تربتك، جو نعم ربنا وإكرام ربنا وعظمته ربنا

أهمية العبادة

"إِنَّمَا اللَّهُ لَا إِلَهَ إِلَّا أَنَا فَاعْبُدْنِي وَأَقِمِ الصَّلَاةَ لِذِكْرِي" طه: ٤ العبادة، لازم تعيش فترة في العبادة، لازم تربى الأول على معاني العبادة "وَأَقِمِ الصَّلَاةَ لِذِكْرِي" خدوا بالكم احنا بنصلي صلاة المنافقين يا جماعة اللي هما "وَلَا يَذْكُرُونَ اللَّهَ إِلَّا قَلِيلًا" النساء: ٤٢ أنا عايزك تسبح وأنت في قيام الليل ثلاثين مرة في الركوع، وخمسين مرة في السجود الأول، ومائة مرة في السجود الثاني، أنا عاوزك تعيش مع التسبيح، أنا عاوزك تملأ الصلاة ذكر الله، أنا عاوز يا جماعة معاني التسبيح والذكر في الصلاة تنزل على قلوبنا، الصلاة دي معمولة عشان تمتلي ذكر، وأنت واقف بين أيدي ربنا يحيي في قلبك عظمة ربنا "وَأَقِمِ الصَّلَاةَ لِذِكْرِي" يعني اعبد العبادة اللي أنت فاهم معانيها الإيمانية، اعبد ربنا بفن، اعبد ربنا وأنت عارف أسرار العبادة، والمعاني الدقيقة اللي في حركات وأفعال العبادة عشان العبادة تحيب أثر

حب الله

"إِنَّ السَّاعَةَ أَكَادُ أَخْفِيَهَا لِتُجْزَى كُلُّ نَفْسٍ إِمَّا تَسْعَى" طه: ٥ "وَمَا تِلْكَ بِيَمِينِكَ يَا مُوسَى" طه: ١٧ "قَالَ هِيَ عَصَایِ" طه: ١٨ دي العصاية بتاعتي "قَالَ أَلْقِهَا يَا مُوسَى" طه: ١٩ خدوا بالكم يا جماعة لما ربنا قال له "وَمَا تِلْكَ بِيَمِينِكَ" قال له إيه؟ "قَالَ هِيَ عَصَایِ أَتَوَكَّأُ عَلَيْهَا وَأَهْشُّ إِلَيْهَا عَلَى غَنَمِي وَلِي فِيهَا مَارِبُ أُخْرَى" طه: ١٨ قاعد يطول في الكلام ليه؟ ده من حب الله يا جماعة، مقام الأنس، الأنس بدأ يدخل في قلب سيدنا موسى، طب الحب ده أتنى منين؟ ربنا في الأول قال له "إِنِّي أَنَا رَبُّكَ" كلمه عن النعم، أول ما كلمه عن النعم الحب دخل في قلبه، **كان القلوب الطاهرة أول ما تفتكر نعم ربنا الحب يملأ قلوبها**، فسيدنا موسى لما حس بحب الله، قعد يطول في الكلام بقى، حس بالأنس، مش عاوز الدنيا ولا عاوز يرجع لمراته، ده أنت مواتك مستنياك، موالي إيه ودنيا إيه؟! ده أنا مع الله سبحانه وتعالى.

تعظيم الله

"قَالَ أَلْقِهَا يَا مُوسَى" طه: ١٩ بعد ما حب الله دخل القلب، لازم تعظيم الله يدخل القلب، وتعظيم الله ما ينفعش يدخل القلب وقلبك فيه الأسباب، العصا اللي أنت بتقول إنك بتعمل بها ده وده وده، ارميها، بعض العلماء خد من الآية دي إيه؟ سيدنا موسى رمى العصا فعلاً، ولكن ربنا كان يريد أن هو ويرميها من يده يرميها من قلبه، أن الأسباب تخرج من قلبك، إن ما ييقاش في قلبك لا حب ولا تعظيم لغير الله سبحانه وتعالى "فَأَلْقَاهَا فَإِذَا هِيَ حَيَّةٌ تَسْعَى" طه: ٢٠ إيه ده؟ ده العصاية اتقلبت تعان، طب التعان ممكن يقرضني، سيدنا موسى بدأ يخاف، ربنا قاله "لَا تَخَفْ" طه: ٢١ لا تخف، لا تخف دي يا جماعة اتكررت في كم سورة في الموقف اللي في الكلام

ما بين ربنا وبين سيدنا موسى؟ اتكررت كثير، ده ربنا بيقله "خُذْهَا وَلَا تَخْفِ" طه: ٢١ "لَا تَخْفِ" اتكررت كم مرة في القرآن؟ ٣ مرات، ٣ مرات ربنا قال لسيدنا موسى "لَا تَخْفِ"
"أَقْبِلْ وَلَا تَخْفِ" القصص: ٣١ بعض العلماء قال إن سيدنا موسى على بال ما تجراً أنه يمد يده ويمسك الشعبان، وهو واثق إن ربنا هيرجعه عصاية، ربنا قاله "خُذْهَا وَلَا تَخْفِ" أيوه، في الأول كدة، في الأول ممكن أن أنت تكون متعدد شوية، إنما بعد ما تعرف ربنا - البحر قدامك وفرعون وراك - فرعون مين؟ وسيوفه مين؟ وجيوش مصر مين؟ وبحر مين ده، أنا معندي الله سبحانه وتعالى، فالتربيـة هي اللي بتحول ده لده، التربـية هي اللي بتـرـفعـك لـقـامـاتـ مـهـولـةـ، بعد ما كنت إيه؟ ٣ مرات "لَا تَخْفِ" عـشـانـ يـمـدـ يـدـهـ يـأـخـذـهـ.

آيات الله

"فَأَلْ خُذْهَا وَلَا تَخْفِ سَنُعِيدُهَا سِيرَتَهَا الْأُولَى" طه: ٢١ يمسك العصاية وهي لسه تعـبـانـ، تتحول عصـاـيـةـ تـانـيـةـ، الثـقـةـ تـيجـيـ في قـلـبـ سـيـدـنـاـ مـوـسـىـ أنـ رـبـنـاـ لاـ يـمـكـنـ يـوـجـهـهـ لـحـاجـةـ وـيـقـيـ فـيـهـ ضـرـرـ أـبـداـ، بـعـدـ كـدـةـ رـبـنـاـ يـوـرـيـلـهـ الـآـيـاتـ، بـعـدـ النـعـمـ أـدـيـ أـلـيـةـ، وـكـمـانـ آـيـةـ "وَاصْبُمْ يَدَكَ إِلـى جَنَاحِكَ تَخْرُجْ بِيَضَاءـ" طه: ٢٢ ربـنـاـ يـُـرـيـ لـسـيـدـنـاـ مـوـسـىـ النـعـمـ، وـيـرـيـ لـسـيـدـنـاـ مـوـسـىـ الـآـيـاتـ، وـيـرـيـ لـسـيـدـنـاـ مـوـسـىـ الـكـرـامـاتـ، وـغـيـرـ دـهـ خـدـ بـالـكـ ياـ مـوـسـىـ، خـدـواـ بـالـكـمـ ياـ جـمـاعـةـ "لِتُرِيكَ مـنْ آيـاتـنـاـ الـكـبـرـىـ" طه: ٢٣ أـنـ عـاـوزـ تـشـوـفـ الـآـيـاتـ الـأـعـظـمـ الـأـكـثـرـ، الـلـيـ أـعـظـمـ بـكـثـيرـ "لِتُرِيكَ مـنْ آيـاتـنـاـ الـكـبـرـىـ" * اـذـهـبـ إـلـىـ فـرـعـوـنـ" طـهـ: ٢٤

اعمل في الدعوة، ترى آيات الله

عاوز تـشـوـفـ الـآـيـاتـ الـمـبـهـرـةـ؟ـ اـشـتـغـلـ فـيـ الدـعـوـةـ، عـاـوزـ تـشـوـفـ الـكـرـامـاتـ؟ـ اـشـتـغـلـ فـيـ الدـعـوـةـ، عـاـوزـ تـشـوـفـ الـبـيـ صـلـىـ اللـهـ عـلـيـهـ وـسـلـمـ فـيـ الـمـنـامـ؟ـ اـشـتـغـلـ فـيـ الدـعـوـةـ، عـاـوزـ رـبـنـاـ يـرـتـبـ حـيـاتـكـ وـيـرـتـبـ أـمـورـكـ، وـيـنـصـرـكـ وـيـرـفـعـكـ، وـيـنـزـلـ الـفـتوـحـاتـ عـلـيـكـ، وـبـوـرـيـكـ الـكـرـامـاتـ وـالـآـيـاتـ، وـيـجـيـبـ دـعـاءـكـ؟ـ اـشـتـغـلـ فـيـ الدـعـوـةـ "لِتُرِيكَ مـنْ آيـاتـنـاـ الـكـبـرـىـ" رـوـحـ لـفـرـعـوـنـ، اـنـزـلـ الـوـاقـعـ وـتـكـلمـ عـنـ رـبـنـاـ وـقـفـ فـيـ وـجـهـ الـلـيـ بـيـحـارـبـوـاـ رـبـنـاـ، وـتـكـلمـ بـكـلـ قـوـةـ فـيـ وـجـهـ أـيـ إـنـسـانـ يـنـتـهـكـ حـرـمـاتـ رـبـنـاـ، هـيـ دـيـ قـمـةـ مـعـرـفـةـ الـلـهـ الـلـيـ سـاعـتـهـاـ كـرـامـاتـ رـبـنـاـ وـآـيـاتـ رـبـنـاـ الـعـظـمـيـ هـتـنـزـلـ عـلـيـكـ.

ماذا يحتاج الإنسان في طريق الدعوة

سيدنا موسى ساعتها قـامـ قـاـيـلـ إـيـهـ؟ـ "اـشـرـحـ لـيـ صـدـرـيـ * وـيـسـرـ لـيـ أـمـرـيـ" طـهـ: ٢٥ـ ٢٦ـ الإـنـسـانـ يـاـ جـمـاعـةـ عـشـانـ يـمـشيـ فيـ الطـرـيقـ إـلـىـ اللـهـ، لـازـمـ حاجـتـينـ :

- ١ـ لـازـمـ هوـ يـسـرـ للـطـرـيقـ، يـعـنيـ أـنـ مـكـنـ مـعـايـ خـمـسـينـ وـاحـدـ بـيـدعـونـيـ لـلـإـلتـزـامـ، بـسـ رـبـنـاـ لـسـهـ ماـ فـتـحـشـ قـلـبـيـ، لـسـهـ الدـلـيـنـ تـقـيلـ عـلـيـ، لـسـهـ الدـعـوـةـ تـقـيـلـةـ عـلـيـ، فـأـوـلـ حـاجـةـ أـنـ تـيـسـرـ لـلـطـرـيقـ، أـنـ رـبـنـاـ يـشـرـحـ صـدـرـكـ لـلـدـعـوـةـ
- ٢ـ أـنـ مـكـنـ اـجـيـ اـشـتـغـلـ فـيـ الدـعـوـةـ أـلـاـقـيـ أـبـوـيـ عـيـانـ يـقـلـيـ أـقـعـدـ جـنـبـيـ، أـوـ أـنـاـ فـقـيرـ عـاـوزـ أـشـتـغـلـ وـمـاـ فـيـشـ وـقـتـ أـدـعـوـ، أـوـ أـلـاـقـيـ الـامـتـحـانـاتـ، يـقـيـ الـحـاجـةـ الـثـانـيـةـ أـنـ الـطـرـيقـ هـوـ الـلـيـ يـيـسـرـ لـيـكـ، أـنـكـ تـلـاقـيـ الـظـرـوفـ سـهـلـةـ، وـالـمـدـعـوـيـنـ أـدـهـمـ عـيـنـكـ، وـتـيـجـيـ تـكـلمـ دـهـ يـجـيـ مـعـاكـ، وـتـلـاقـيـ الـظـرـوفـ أـمـامـكـ مـسـمـوـحـ بـهـ أـنـكـ أـنـتـ تـدـعـوـ إـلـىـ اللـهــ.ـ يـقـيـ سـيـدـنـاـ مـوـسـىـ دـعـاـ رـبـنـاـ بـدـعـائـينـ، يـاـ رـبـ يـسـرـيـ لـلـطـرـيقـ، وـيـسـرـ الـطـرـيقـ لـيـاـ "اـشـرـحـ لـيـ صـدـرـيـ" خـلـيـنـيـ أـحـبـ الدـعـوـةـ يـاـ رـبـ، خـلـيـنـيـ أـحـبـ تـنـفـيـذـ أـوـامـرـكـ يـاـ رـبـ، اـشـرـحـ صـدـرـيـ لـتـنـفـيـذـ طـلـبـاتـكـ يـاـ رـبـ "وـيـسـرـ لـيـ أـمـرـيـ" وـيـسـرـ لـيـ الـطـرـيقـ، إـيـهـ الدـعـوـةـ

اللي سيدنا موسى دعا بـها الأول؟ أن الطريق ييسر ليه، أو أن هو ييسر للطريق؟ أن هو ييسر للطريق، علامة أن هي دي الحاجة العالية، هي دي الحاجة الصعبة، أن فعلا ربنا يشرح صدرك أنك تبقى رجل من رجال الإسلام على الأرض، أنك تبقى جندي من جنود الله على الأرض، أنك أنت تبقى داعية من الدعوة إلى الله، إن شرح صدرك فتبقي دي أول عقبة زالت بإذن الله.

إجابة الدعاء

لما سيدنا موسى دعا ربنا، ربنا قاله إيه؟ **"قَالَ قَدْ أُوتِيتَ سُؤْلَكَ يَا مُوسَى"** طه: ٣٦ خدوا بالكم يا جماعة، إجابة الدعاء، لازم تعيشوا التجارب دي، لازم تعيش تجربة أنك يترفع إيدك للسماء، وربنا بينزلك الإجابة، لازم، ده جزء أساسى من تربيتك على الثقة في الله، إذا كنت أنت مامريتش بالتجارب دي، ورأيت النعم، مامريتش بتجارب وشفت آيات ربنا، وتدبرت في الكون، مامريتش بتجارب وشفت إجابة الدعاء، هتخرج تدعوا الناس إلى الله إزاى؟ وأنت ما تعرفش الله أصلاً، وأنت ما عندكش ثقة يقينية في الله. شوفوا بعد كدة ربنا بيفعل مع سيدنا موسى إيه؟ شوط طويل جدا، بس شوط خطير، يشرح لنا بالضبط أول ابتداء العلاقة مع الله شكله إيه، يشرح لك بالضبط التربية، المرحلة الأولى في تربيتك لازم تبقى ملائمها إيه.

قصة حياة سيدنا موسى

شوفوا ربنا بيقول لـسيدنا موسى إيه؟ **"وَلَقَدْ مَنَّا عَلَيْكَ مَرَّةً أُخْرَى * إِذْ أُوحِينَا إِلَى أُمَّكَ مَا يُوحَى * أَنِ اقْدِفِيهِ فِي التَّابُوتِ"** طه: ٣٧ إيه ده؟ ربنا بيقول لـسيدنا موسى قصة حياته تانى، طبعاً ما أنا عارف القصة يا رب، ده أنا حافظها يا رب، عارف أن أمي رمتني في المية، وفرعون خداني، وبعد كدة هربت لمدين وقتلت نفس، وبعد كدة، أنا عارف يا رب القصة دي. لا يا جماعة، ربنا بيقول لـسيدنا موسى إيه؟ **"أَنِ اقْدِفِيهِ فِي التَّابُوتِ فَاقْدِفِيهِ فِي الْيَمِ بِالسَّاحِلِ"** طه: ٣٩ يا رب ما أنا عارف القصة دي، يا جماعة ربنا بيعرض لـسيدنا موسى قصة حياته بـطريقة ثانية، كأنه بيقوله شوف أنا لو لا كنت معاك، حياتك لا يمكن كانت تمشي بالطريقة دي، أنا عايزة تقدر بالليل كدة وتحبب قصة حياتك، وتفتكرها من زمان، وتقول أنا لو لا ربنا كانت حياتي مشت كدة، أنا لو لا ربنا كنت دخلت الكلية دي، أنا لو لا ربنا ما كنتش دخلت المسجد، أنا لو لا ربنا كان زمان فكري هو الفكر الموجود دلوقتي، أنا لو لا ربنا كان زمان حياتي وديني ودنيوي ماشيin كدة دلوقتي.

كن مع الله يرب حياتك

وكـل ما تبقى مع الله أكثر، هو سيدنا موسى كان الله معه ليه؟ وكان يربـلـه أوي ليه؟ لأنـهـ كان مع الله يا جماعة، كل ما هتبـقـىـ معـ اللهـ كلـ ماـ تـحسـ أنـ ربـناـ هوـ الليـ بـيـمشـيلـكـ حـيـاتـكـ، وهوـ الليـ بـيـحرـكـلـكـ أـمـورـكـ، بـحـيـثـ لوـ أـنـكـ أـنـتـ منـ الـوقـتـ أـهـوـ لـثـلـاثـ سـنـينـ جـاـيـنـ عـشـتـ فـيـهـمـ مـعـ اللهـ، وـاجـهـتـ فـيـهـمـ مـعـ اللهـ، هـتـيـجيـ بـعـدـ ثـلـاثـ سـنـينـ أـقـعـدـ أـقـلـكـ نـفـسـ الـكـلـمـةـ، أـقـولـكـ اـفـتـكـرـ قـصـةـ حـيـاتـكـ، تـقـوليـ يـاهـ، دـهـ أـنـاـ لـوـ قـعـدـ اـفـتـكـرـ ربـناـ مـشـىـ لـيـ حـيـاتـيـ إـزاـيـ مشـ هـخـلـصـ، ليـهـ؟ لأنـكـ بـقـيـتـ مـعـ اللهـ، فـرـبـناـ اللـيـ مـشـالـكـ حـيـاتـكـ، فـرـبـناـ كـأـنـهـ بـيـقـولـكـ اـفـتـكـرـ حـيـاتـكـ الـقـدـيمـةـ، اـفـتـكـرـ ربـناـ مـشـالـكـ إـزاـيـ، الـمـوـقـفـ دـهـ رـبـناـ أـنـقـذـنـيـ إـزاـيـ، وـالـمـوـقـفـ دـهـ رـبـناـ رـتـبـهـوـلـيـ إـزاـيـ، وـالـنـعـمـةـ دـيـ رـبـناـ جـاـبـهـاـ لـيـ إـزاـيـ، وـالـمـشـكـلـةـ الـفـظـيـعـةـ الـلـيـ

كنت همومتها ربنا حلها لي إزاي، والدين بعد ما كان قلبي مقول ربنا شرحتي صدرني له إزاي، افتكر ربنا مشالك حياتك إزاي

"أَنِ اقْذِفِيهِ فِي التَّابُوتِ فَاقْذِفِيهِ فِي الْيَمِّ فَلَيْلُقِهِ الْيَمُ بِالسَّاحِلِ" طه: ٣٩ اقذفيه؟ ده طفل عنده ساعتين ثلاثة، لو اترمى في التابوت يموت بالطريقة دي، يعني حطيه بالراحة في التابوت، وبعد كدة حطي التابوت بالراحة في المية، ده أنت لو رميتابوت في المية، هيتبقلب بموجة واحدة، ويقع الطفل ويغرق، ربنا بيقول لسيدنا موسى، بيصور له مشهد ولادته، إنتم فاكرين يا جماعة إن أم موسى كانت قاعدة في البيت كدة، قاعدة تقول يا ترى أرميه ولا ما أرميهوش؟ لا يا جماعة، ده أول ما ولدته جند فرعون خدوا خبر، الحقواف في ولد اتولد في البيت الفلاين، والجنود رايحين والقوة البوليسية جاية عشان تقبض على هذا الطفل وتقتلنه، وأمه قدامها لحظات، يا تلحق يا ما تلحقش، بسرعة "أَنِ اقْذِفِيهِ فِي التَّابُوتِ فَاقْذِفِيهِ فِي الْيَمِّ" فربنا بيصور لسيدنا موسى المشهد المريع اللي حصل وهو مولود، أمه بترميه بسرعة في البحر، أي حاجة، البحر أرحم من أن هو يتحط في إيد جنود فرعون "فَلَيْلُقِهِ الْيَمُ بِالسَّاحِلِ" وفاكر لما خليت المية تشيلك، لأن المية دي عبد من عبدي، لأن النهر ده عبد من عبدي، عبودية الكون لله، وتوديك لحد قصر فرعون، فرعون؟ ايوه، شوف ربنا بيقوله "فَرَجَعْنَاكَ إِلَى أُمِّكَ" طه: ٤٠ عارفين يعني إيه "فَرَجَعْنَاكَ" يا جماعة؟

في سورة ثانية، سورة القصص "فَرَدَدْنَاهُ إِلَى أُمِّهِ" القصص: ١٣ إيه الفرق بين الرد والإرجاع؟ الرد يا جماعة إن أنا خدت أمانة وردتها لك، فكان في سورة القصص ربنا بيقول لأم موسى، ابنك ده أنت مش بترميه في البحر، أنت بترميه في ايدي، ده أمانة أنا هرجعها لك، أما هنا في سورة طه "فَرَجَعْنَاكَ" يعني بالضبط زي ما أنت ماسك حاجة، قام خطافها وجاري، تيجي تلحقه، أقولك استنى أنا هرجعها لك، بقدرة الله رجع موسى من إيد فرعون، كان المراد في سورة طه غير المراد في سورة القصص، المراد في سورة طه أن كان ربنا يقول موسى أنا بقدرتني رجعتك من إيد فرعون لأمك تاني ولحسن أملك تاني، وآخدين بالكم من المعنى، يعني كان ربنا بيقول لسيدنا موسى شوف أنا حياتك كانت تمشي إزاي من غيري؟ لا يمكن تمشي

"إِذْ تَمْشِي أَحْتَكَ فَتَثُوْلُ هَلْ أَذْلُكُمْ عَلَى مَنْ يَكْفُلُهُ" طه: ٤٠ الذكاء بتاع أخت موسى، مش أول ما شافت أخوها في مدينة فرعون اترعبت وطلعت تجري عليه أخوي... لا... "تَمْشِي" كان هي مش عارفة حاجة، وكان الطفل لا يعنيها شيء، ذكاء أخته موسى، يعني كان ربنا في النص بيقللك إيه؟ الذكاء والفتنة، ومنين اللي ألمها في هذا الموقف ومنين اللي ثبته؟ فربنا سبحانه وتعالى بيعمل إيه مع موسى يا جماعة؟ شوفوا ربنا عمل إيه مع موسى في الأول، أراه الآيات، العصا ويده، ووعده بالمعجزات، لو اشتغلت في الدعوة هوريك الأخطر والأكبر، وأجاب له الدعوات، لما دعا ربنا أجاب له الدعاء، وذكره بالنعم، ذكره حياتك كانت هتمشي إزاي من غيري، وغير كدة كمان وشرفه بالكلمات، "يَا مُوسَى" و "أَنَا اخْرَثُكَ"

المراحل الأولى من التربية : التفكير بنعم الله

كأن أنا عاوز أخرج من هنا بيإيه؟ المراحلة الأولى في التربية لازم تبقى دي ملامحها، عايزين يا جماعة نعيش فترة بحياتنا، حياتنا كلها قاعدين عايشين مع نعم الله، حياتنا كلها قاعدين رايحين نتدبر في الكون، أنت وراكم إيه؟ أنت وراك إيه؟ دراسة إيه؟ لو أنت طالب في أصعب كلية، وذاكرت ٤ ساعات في اليوم هتطلع من العشرة الأوائل، يعني أنت عندك

عشرين ساعة فاضي، كمان منهم أربع ساعات في المحاضرات عندك ١٦ ساعة، نفت ثمانية، عندك ٨ ساعات، أنت وراك إيه، أنت دلوقتي تقدروا أنكم تعملوا بطولات إيمانية في فترة الكلية بتاعتكم، يعني أنت دلوقتي إيه المشكلة أنت كل يوم العصر - بعد رمضان - تاخد المصحف بتاعك وتطلع على مكان خلوي تتدبر فيه، تقرأ آيات الله القرآنية، وتتدبر في آيات الله الكونية، عيشوا مع آيات الله، وعيشو مع نعم الله، واجتهدوا في التربية القلبية عشان تشفوفوا آيات ربنا، والكرامات وإجابة الدعوات، عيش مع الله هذه الفترة عشان هي دي أول مرحلة من مراحل التربية اللي ربنا رب عليها سيدنا موسى.

الشوط الثاني من قصة سيدنا موسى

هندخل بعد كدة في المرحلة الثانية "إذهب أنت وأخوك بِأيَّاتِي وَلَا تَنْبِئَا فِي ذُكْرِي" طه: ٤ قبل ما ربنا يقوله روح، إداله السلاح بتاعه "لَا تَنْبِئَا فِي ذُكْرِي" ما تبطلش لحظة ذكر، ما تبطلش الذكر لحظة، هو ده الزاد بتاعك، العبادة، عشان كدة المرحلة الأولانية دي لازم كلها عبادة، لازم، لما العبادة والإيمانيات كلها ملت قلبك اخرج بقى للواقع، راح سيدنا موسى لفرعون فعلاً "إذهب إلَى فِرْعَوْنَ إِنَّهُ طَغَى * فَقُولَا لَهُ قَوْلًا لَّيْنَا" طه: ٤، ٣ دي المرحلة الثانية في قصة سيدنا موسى، "قَوْلًا لَّيْنَا"؟ آه، لفرعون؟ آه، طيب هو سيدنا موسى كلم فرعون عن الجنة بس ولا عن الجنة والنار؟ قاله "أَنَّ الْعَذَابَ عَلَى مَنْ كَذَّبَ وَتَوَلََّ" طه: ٨ صح ولا لأ؟ يبقى القول اللين ليس معناه أن احنا مانكلمش الناس عن النار، القول اللين مش معناه زي ما بعض الناس فاهمة ما تكلمش الناس عن النار والقبر، لا يا جماعة، القول اللين هو الرفق والرحمة والحكمة، إنما لا يعني أبداً أن أنت ما تكلمش الناس عن النار

"فَقُولَا لَهُ قَوْلًا لَّيْنَا لَعْلَةً" طه: ٤ شاييفين رحمة ربنا "قُولَا لَهُ قَوْلًا لَّيْنَا لَعْلَةً يَتَذَكَّرُ أَوْ يَخْشَى * قَالَ رَبَّنَا إِنَّا نَخَافُ أَنْ يُفْرُطَ عَلَيْنَا أَوْ أَنْ يَطْغَى * قَالَ لَا تَخَافَا إِنِّي مَعَكُمَا أَسْمَعُ وَأَرَى * فَاتَّيَاهُ فَقُولَا إِنَّا رَسُولًا رَّبِّكَ فَأَرْسَلَنَا مَعَنَا بَنِي إِسْرَائِيلَ" طه: ٤، ٧ خدوا بالكم يا جماعة، إنا رسولا إيه؟ ربك، زي ما ربنا أول حاجة كلام فيها موسى الربوبية، أول حاجة سيدنا موسى كلام فيها فرعون الربوبية، خدوا بالكم أول حاجة لازم نكلم الناس فيها في فن الدعوة نعم ربنا عليهم، أول حاجة لازم نفتح بيها القلوب نعم ربنا، على أد ما تقدر تتكلم عن نعم ربنا على أد ما تقدر تبقى داعية ناجح، وشوفوا سيدنا موسى بيقول لفرعون إيه "إِنَّا رَسُولًا رَّبِّكَ" أنا عاوزك تتخيل موقف فرعون وهو قاعد كدة، لقى اثنين داخلين عليه، فيه إيه؟ احنا جايينك من عند ربك، ربك؟ آه "إِنَّا رَسُولًا رَّبِّكَ فَأَرْسَلَنَا مَعَنَا بَنِي إِسْرَائِيلَ وَلَا تُعَذِّبْنُّمْ" طه: ٧ ربك بيقولك أرسل بي إسرائيل ولا تعذبهم "قُدْ جِنْثَانَكَ بِأَيَّةٍ مِّنْ رَّبِّكَ" طه: ٧ ربك باعنتك آيات عشان يعرفك إن احنا جايin من عنده "وَالسَّلَامُ عَلَى مَنِ اتَّبَعَ الْهُدَى" طه: ٧ ربك لا يسلم أبداً إلا اللي بيتبعد أمره "إِنَّا قَدْ أَوْحَيْنَا إِلَيْنَا أَنَّ الْعَذَابَ عَلَى مَنْ كَذَّبَ وَتَوَلََّ" طه: ٨ ربك بيقولك أنه هيتعذبك لو ما بتعشن.

ثقة أهل الحق تزلزل أهل الباطل

إيه ده يا جماعة؟ فرعون لما سمع الكلام ده، انت تحس كدة أنه قام راجع لورا، إيه ده؟ "قَالَ فَمَنْ رَبُّكُمَا يَا مُوسَى" طه: ٩ أنت جايin من عند مين؟ أحسن يكون في واحد فعلاً عظيم أوي موجود وأنا معرفوش، وأنتم اللي جايin من عنده، تحس أنه من كتر ثقتك في الحق بتربع أهل الباطل، لو أنت واثق ورحت بيتك وأهلك قالولك لا سيب الإلتزام، ولا سيب المسجد ولا سيب أصحابك، لو أنت واثق هتهزهم، لو واحدة واثقة ولبسـتـ نـقـابـ، ثـقـتها وـثـبـتها هـتـهـزـ

أهلها، يخلهم ما يعرفوش يحاربوها، عازين يا جماعة نبى واثقين، ثباتنا هو اللي بيزلزل اللي قدامنا، ثباتنا هو اللي بيوعد اللي قدامنا، عازين نبى ثابتين على الحق اللي احنا عليه.

"**فَالَّذِي أَعْطَى كُلَّ شَيْءٍ خَلْقَهُ مُّهَدِّي**" طه: ٤٩، إيه ده؟ يا عم أنا حسيت إن في واحد ثانى على الأرض بجد أقوى مني ولا حاجة، شايفين الكبر على الله، يعني لما عرف أنه يقصد به رب السماوات والأرض استكبار، ولما كان يظن واحد ثانى سأله "فَالَّذِي أَعْطَى كُلَّ شَيْءٍ خَلْقَهُ مُّهَدِّي"

إنما شوف الكلمة الجميلة اللي سيدنا موسى قالها "**رَبُّنَا الَّذِي أَعْطَى كُلَّ شَيْءٍ خَلْقَهُ مُّهَدِّي**" الآية دي عايزين نعيش معها يا جماعة، يعني تخيل كل حاجة ربنا أعطاها خلق غير الثاني، حتى أنواع النوع الواحد، السمك أعطاها عشرين ألف صورة من صور الخلق، الطيور أعطاها تسعه آلاف صورة من صور الخلق، كل حاجة لها صورة غير الثانية "**مُّهَدِّي**" أعطى الله ده المنقار الطويل ثم هداه لأكل الديدان في الطين، أعطى للطائر اللي يطير على وش المية العينين اللي تعرف تحبلك اللي جوة المية، وهداه لأكل السمك في المية، كل حاجة ربنا أعطاها خلق يناسب الوظيفة بتاعتتها، إنما مش زى ما كنا بندرس في الإعدادى - عن التحور - إزاي أن البط حور رجليه وحور منقاره عشان يناسب البيئة بتاعتته، وإزاي المدهد، هدهد إيه يا جماعة وبط إيه اللي يحوروا! إحنا فين يا جماعة؟ الله هو الذي أعطى لكل شيء خلقه، ثم هدى.

الحرب الإعلامية على سيدنا موسى

فده موسى مع فرعون، بعد كدة الموضوع بيتطور، لا ده أنت لازم حد يوقف في وشك، اجمعوا لي السحر، يجمع فرعون السحر، تبدأ ملامح المعركة تتضح، المعركة كل واحد عدته إيه؟ العدة بتاعة فرعون : هاتوا لي سحرة مصر كلها، هاتوا لي أعظم سحرة، والسحر لا وكمان، وانشروا في البلد كلها حرب إعلامية هائلة على موسى.

"**وَأَنْ يُحَشِّرَ النَّاسُ ضُحَى**" طه: ٥٩ هاتوا الناس كلها، واجمعوا الناس كلها "**لَعَلَّنَا نَتَّنِعُ السَّحْرَةَ إِنْ كَانُوا هُمُ الْغَالِبِينَ**" الشعرا: ٤ وهاتوا الناس والسحر قولوا لهم إيه؟ "**قَالُوا إِنْ هَذَا لَسَاحِرٌ يُرِي دُهْنٌ أَنْ يُخْرِجَكُمْ مِّنْ أَرْضِكُمْ بِسَاحِرٍ هُمَا**" طه: ٦٣ الحرب الإعلامية المهولة ضد موسى، وشحن النفوس كلها ضد موسى "**فَأَجْمِعُوا كَيْدَكُمْ ثُمَّ ائْتُو**
صَفَّا" طه: ٦٤

الثقة في الله سلاحك

الحرب المادية والإمكانيات المهولة ضد موسى، مصر كلها واقفة ضد موسى، الشعب والسحر والقيادة والحكومة والقائد، كله واقف ضد موسى، وسيدنا موسى عدته إيه؟ ما فيش أي عد، طب أنت هتعمل إيه؟ طب هو ربنا قالك إن العصا هتحول تعبان تأكل الناس؟ لا مقليش، امال أنت رايح تناظر الناس دي وتحارب الناس دي؟ أنا واثق أن ربنا سبحانه وتعالى مش هيسيبني، مادم دي دعوة وأنا نازل أدعوه إلى الله، اللي وجهني للأمر ده هو الله، الله مش هيسيبني، شايفين عدة مصر كلها وعدة موسى، عدة مصر الأسباب كلها، وعدة موسى الثقة في الله "**سُبْحَانَ رَبِّي**" الإسراء: ٩٣ "**وَأَلْقِ مَا فِي يَمِينِكَ تَلْقَفْ مَا صَنَعْتَ**" طه: ٦٩ آه شايفين يا جماعة، الثقة في الله بتجيبي إيه، النصر المؤزر المبين اللي ربنا نصر به موسى "**إِنَّمَا صَنَعْتَ كَيْدُ سَاحِرٍ وَلَا يُفْلِحُ السَّاحِرُ حَيْثُ أَتَى**" طه: ٦٩ يبقى كل ده كان كيد ساحر، فربنا سبحانه وتعالى نصر موسى

و نلاقي "قالَ بَلْ أَقْلُوا فَإِذَا حِبَّلُمْ وَعَصِيَّهُمْ يُخْلِلُ إِلَيْهِ مِنْ سَخْرِهِمْ أَهْنَا تَسْعَى" طه: ٦٦ سيدنا موسى، إيه ده؟ هي بتتمشى ولا بتتمشيش؟ هي بتتمشى ولا لأ؟ إنما المصريين لما شافوها قالوا إيه؟ "فَلَمَّا أَقْلُوا سَخْرُوا أَعْيُّنَ النَّاسِ وَأَسْتَرْهُبُوهُمْ وَجَاءُوا بِسُخْرٍ عَظِيمٍ" الأعراف: ١١٦ شاييفن فارق أثر السحر على الاثنين، كل ما إيمانك يزيد السحر والحسد وال حاجات دي تأثيرها يقل عليك، كل ما إيمانك ويقينك يعني، كل ما الحاجات دي تأثيرها يقل عليك، عشان كدة اللي بيقولي أو اللي بتقولي أنا معهمي سحر أو عمل، لو يقينك عالي بالله وإيمانك عالي بالله، وعبادتك عالية لله، الحاجات دي هيبيقى تأثيرها عليك أضعف من أي أثر ممكن يؤثر عليك في حياتك، فشاييفن الإيمان يا جماعة بيرفع إزاى، شاييفن الإيمان بيوصل لدرجة إيه؟

في حاجة هنا "فَأَوْحَسَ فِي نَفْسِهِ خِيفَةً مُوسَى" طه: ٦٧ الكلمة دي عاوزين نوقف معاها، إن سيدنا موسى يا جماعة عمما وصل للثقة الكاملة بالله، اللي هي "كَلَّا إِنْ مَعِي رَبِّي سَيَهْدِينَ" الشعرا: ٦٢ من مراحل طويلة، منها بس أربع مراحل لما ربنا قال له امسك العصاية، وهي تعبان وخفاف وبعد كدة مسكتها، فرجعت عصاية تاني، بدأت تيجي الثقة إن ربنا لا يمكن يوجده لأنه أبداً ويكون فيه ضرر، بعد كدة "اذْهَبَا إِلَى فِرْعَوْنَ" لا يا رب أنا خايف، بس كان الأول الخوف "وَلَّ مُدْبِرًا وَمَ يَعْقِبُ" النمل: ١٠ طلع يجري، إنما المرة الثانية ماجوش لما ربنا قال له روح لفرعون، وما قالش فرعون وطلع يجري، لا، قال "إِنَّا نَخَافُ أَنْ يَفْرُطَ عَلَيْنَا أَوْ أَنْ يَطْغِي" طه: ٤٥ بقى كلام، ربنا طمنه بعد كدة لما جي في موقف السحرة، ولقي السحر المبين بتاعهم ده "فَأَوْجَسَ فِي نَفْسِهِ خِيفَةً" طه: ٦٧ لا طلع يجري، ولا قال أنا خايف إنما جي حاجة كدة بسرعة في صدره، هاجس خوف سريع كدة في صدره، ربنا قاله "قُلْنَا لَا تَخَفْ إِنَّكَ أَنْتَ الْأَعْلَى" طه: ٦٨ لقت العصاية ما صنعوا، جات الثقة الكاملة أن طول ما هو مع الله النصر معاه، والحفظ معاه والمعرفة معاه والولاية معاه، بعد كدة البحر قدامه وفرعون وراه، قال "كَلَّا إِنْ مَعِي رَبِّي" الشعرا: ٦٢ يعني قطع المراحل الطوال دول، لازم أقطعهم عشان قلبي يتربى؟ لا يا حبيبي، ده قبل الأربع المراحل دول لسه في مراحل ثانية كثير، ربنا في سورة القصص لما بين سيدنا موسى يوكز المصري فيقضي عليه، قال "قَالَ رَبِّ إِنِّي ظَلَمْتُ نَفْسِي فَاغْفِرْ لي" القصص: ١٦ لما يستشعر الإجابة "قَالَ رَبِّ إِنَّمَا أَنْعَمْتَ عَلَيَّ فَلَنْ أَكُونَ ظَهِيرًا لِلْمُجْرِمِينَ" القصص: ١٧ لما يجيده واحد يقول له الملائكة يا تروا بك وعاوزين يقتلونك "قَالَ رَبِّ لَحِينِي مِنَ الْقَوْمِ الظَّالِمِينَ" القصص: ٢١ لما يطلع يجري هربان من مصر كلها، وجندو فرعون بيدوروا عليه "قَالَ عَسَى رَبِّي أَنْ يَهْدِيَنِي سَوَاءَ السَّبِيلِ" القصص: ٢٢ لما يروح مدین جيعان وتعبان وما هوش عارف يعمل إيه "رَبِّ إِنِّي لِمَا أَنْزَلْتَ إِلَيَّ مِنْ خَيْرٍ فَقَرِيرٌ" القصص: ٢٤

التربية القلبية مرحلتان

يعني كان ربنا بيقول لك التربية القلبية مرحلتين :

١. المرحلة الأولانية : قبل الرسالة، اللي هي تعلق القلب بالله : رب، رب، رب، سيدنا موسى كان قلبه متعلق بالله تعلق هائل، عشان كدة ربنا كلمه، اسمعني هو، من كتر ما كلم الله، ومن كتر ما دعا الله، ومن كتر ما ناجي الله
٢. ثم بعد ما يدخل تعلق القلب بالله، لازم يخرج المخلوق من القلب، هو ده اللي حصل في سورة طه، يخرج الخوف من العصاية، والخوف من فرعون، والخوف من السحرة، والخوف من البحر، يخرج الخوف من كل ده، هي دي التربية

القلبية. طريق طويل، بس لازم تمشيه، شايفين الطريق الطويل ده سيدنا إبراهيم قطعه في أديه؟ يا جماعة؟ سيدنا موسى خد فيه سنين، سيدنا إبراهيم قطعه في أديه؟ في يوم، في سورة الأنعام لماكنا نشرح موقف التدبر، لما تدبر في الكوكب قال إيه "قَالَ لَا أُحِبُّ الْأَفْلَيْنَ" الأنعام: ٧٦ خرج المخلوق من قلبه، لما تدبر في القمر قال "قَالَ لَئِنْ لَمْ يَهْدِنِي رَبِّي لَا كُوَنَّ مِنَ الْقَوْمِ الصَّالِيْنَ" الأنعام: ٧٧ الإفتقار، دخل تعلق القلب بالله في قلبه، المرحلة اللي بعد كدة قال "وَجَهْتُ وَجْهِي لِلَّذِي فَطَرَ السَّمَاوَاتِ وَالْأَرْضَ حَيْنِفَا وَمَا أَنَا مِنَ الْمُشْرِكِيْنَ" الأنعام: ٧٩ لا تحبط إذا تأخرت المهم أن تصل

يعني إذاً ممكن توصل في سرعة كبيرة جدا، وممكن تفضل فترة، أنا أقول الكلام ده لأن سيدنا موسى وسيدنا إبراهيم الإثنين من أولى العزم من الرسل، والاثنين أعلى المقامات عند الله، يعني عاوز أقولك لما تلاقي واحد صاحبك سبقك في الطريق إلى الله ما تحبطش، لما تلاقي واحد تحصيله أعلم منك ما تحبطش، لما تلاقي واحد النزم بعدك ودولقتي بيشتغل في الدعوة والعبادة ومجتهد ما تحبطش، طول ما أنت ماشي في الطريق هتوصل، حتى لو الطريق خد منك فترة أطول من غيرك، المهم توصل في الآخر، يعني أنا عاوز أقول يا جماعة أن طريق التربية القلبية طويل، ممكن تقطعه بسرعة ومكان تأخذ فترة، ولكن المهم توصل، المهم تقطعه، المهم توصل أن قلبك فعلاً في الآخر بقى قلب سليم، بإذن الله سبحانه وتعالى.

إسلام السحرة

بعد كدة صورة السحرة بعد ما أسلموا يا جماعة، فرعون بيقول لهم "فَلَا قَطَعْنَ إِيْدِيْكُمْ وَأَرْجُلُكُمْ مِنْ خِلَافٍ وَلَا صَلَبَنَكُمْ في جُذُورِ النَّخْلِ وَلَتَعْلَمُنَّ أَيْنَا أَشَدُ عَذَابًا وَأَبْقَى" طه: ٧١ ده أنا هادبحكم، ده أنا هاقطعكم حت، ده أنا هافرمكم، فرعون بيقول لهم كدة! "قَالُوا لَنْ نُؤْثِرَكَ عَلَى مَا جَاءَنَا مِنَ الْبَيِّنَاتِ وَالَّذِي فَطَرَنَا" طه: ٧٢ ياااه، شايفين الإيمان؟ شايفين الإيمان واليقين اللي دخل في قلوبهم؟ جابوا الإيمان ده منين؟ الإيمان الرهيب ده دخل في قلوبهم إزاى؟ طه: ٧٣ "إِنَّمَا بِرَبِّنَا لِيغْفِرَ لَنَا حَطَابَيَا نَا وَمَا أَكْرَهْنَا عَلَيْهِ مِنَ السِّحْرِ وَاللَّهُ خَيْرٌ وَأَبْقَى" الإيمان ده كله أتى منين؟ "إِنَّهُ مَنْ يَأْتِ رَبَّهُ مُحْرِماً فَإِنَّ لَهُ جَهَنَّمَ لَا يَمُوتُ فِيهَا وَلَا يَحْيَا * وَمَنْ يَأْتِهِ مُؤْمِنًا قَدْ عَمِلَ الصَّالِحَاتِ فَأُولَئِكَ لَهُمُ الدَّرَجَاتُ الْعُلَا" طه: ٧٤ ده مش إيمان بس يا جماعة، هم عرفوا منين إن فيه آخرة وفيه ثواب وفيه عقاب، والثواب إيه والعقاب إيه، جابوا العلم والإيمان ده جاهم منين؟ ده فتح من الله سبحانه وتعالى، فتح عليهم ليه؟ "فَأَلْقَيَ السَّحْرَةُ سُجَدًا قَالُوا آمَنَّا" طه: ٧٥ لأن أول ما شافوا الحق استجابوا له، وقالوا آمنا وهم ساجدين "قَالُوا آمَنَّا بِرَبِّ هَارُونَ وَمُوسَى" طه: ٧٦ في السورة هنا هارون قبل موسى، ليه يا جماعة قالوا هارون قبل موسى؟ أصل لو قالوا موسى الأول، فرعون يقولك أنا رب، أنا اللي ربتيه وهو صغير، جابوا هارون الأول اللي فرعون ما لوش علاقة به، عشان أهل الباطل اللي حواليهم، ما يشتبهش في ذهنهم ذرة أفهم يقصدوا فرعون، احنا نقصد الملك سبحانه وتعالى، شايفين التحدى، شايفين الصمود، شايفين سرعة الإستجابة، تنزلت فتوح العلم والإيمان عليهم، لو أنت ثبتت، لو أنت صمدت لو أنت جاءدت عشان دينك، لو أنت استحملت عشان ربنا، الفتوى هتننزل عليك من حيث لا تدرى

المشهد الأخير في الشوط الثاني

لما رينا قال موسى "ولَقَدْ أَوْحَيْنَا إِلَيْ مُوسَى أَنْ أَسْرِ بِعِنَادِي فَاضْرِبْ لَهُمْ طَرِيقًا فِي الْبَحْرِ يَبْسَأْ لَا تَخَافُ دَرَكًا وَلَا تَخْشَى * فَاتَّبَعَهُمْ فِرْعَوْنُ بِجُنُودِهِ" طه: ٧٧ "بِجُنُودِهِ" الباء هنا، في آية ثانية في سورة يونس "فَاتَّبَعَهُمْ فِرْعَوْنُ وَجُنُودِهِ" يونس: ٩٠ ايه الفرق يا جماعة بين "بِجُنُودِهِ" و "وَجُنُودِهِ"؟ "بِجُنُودِهِ" كأنهم مش عازين يدخلوا بس فرعون يجرجرهم غصبا عنهم، "وَجُنُودِهِ" الإثنين داخلين ماحدش بيجرجر حد

يعني إيه؟ أهل الباطل في الأول وهم بيحاربوا أهل الحق، الجنود بتاعهم في الأول طب احنا نحارب الناس اللي يصلوا وبصوموا ليه؟ طب احنا نحارب الناس اللي تدعوا إلى الله ليه؟ واحنا نحارب الناس اللي عارفين ربنا ليه؟ طب ليه نحارب الناس؟ فيبقى في الأول ضميرهم يؤنبهم ويتجزجرون وهو رايح يحاربكم، بعد ما بيدخل المعركة بتاعتهم بيتنكس قلبه، وبيبدأ بعد كدة القضية دي هي قضية حياته، حتى لو ماعدش بيأخذ مرتبات ولا بيأخذ حاجة، يفضل يحارب أهل الحق، حتى لو ما عدش بيأخذ أي اعتبار يفضل يحارب أهل الحق، ليه؟ لأن بقى دي قضية حياته، شربها قلبها والعياذ بالله.

احنا كدة كمان يا جماعة، في الأول وأنت رايح تشتغل في الدعوة بتبقى الدعوة ثقيلة على قلبك، ويبقى الشغل للدين ثقيل على قلبك، ويبقى طلب العلم ثقيل على قلبك، والعبادة والجهاد الإيمانية ثقيلة على قلبك، في الأول بتبقى كأنك بتتجزجرون، إنما بعد ما بتدخل وتشوف الأنوار اللي جوا بتبقى قضية حياتك وبنطلق بسرعة هائلة في الطريق إلى الله سبحانه وتعالى، بقى لو لقيت في الأول مانعة من نفسك، جاحد نفسك وانطلق إلى الله.

الشووط الثالث من قصة سيدنا موسى

بقي اللي ظهرت فيه ثمار هذه التربية الرهيبة، لما رينا واحد سيدنا موسى للمبقيات، فيبيقول له "وَمَا أَعْجَلَكَ عَنْ قَوْمِكَ يَا مُوسَى" طه: ٨٣ إنت جيت بسرعة ليه؟ كنت اقعد معاهم ربهم على التوحيد شوية "قَالَ هُمْ أُولَئِكَ عَلَى أَثْرِي" طه: ٨٤ يا رب دول عاليه توحيد أهتم "وَعَجَلْتُ إِلَيْكَ رَبِّ لِتَرْضَى" طه: ٨٤ جتلوك يا رب، عجلت إليك يا رب، لسانك يعدل إلى الله فما تقدرش تتكلم عن أي حاجة تقعد تتكلم عليه بس، وقلبك يعدل إلى الله، ما تقدرش تفك في أي حاجة تفك في الله بس، وجوارحك تعجل إلى الله، أول ما تخلص الماحضرة أول مكان تجري عليه لما تفضي هو بيت الله، مش مش أصحابك ولا الوقفة الفلانية، أنك تبقى عاجل إلى الله، ده الحب يا جماعة، ده الحب ثمرة التربية اللي ربنا رب موسى عليها، الحب ده أول ثمرة "وَعَجَلْتُ إِلَيْكَ رَبِّ لِتَرْضَى" طه: ٨٤

طيب ربنا ما قالوش ليه أن قومه عبدوا العجل؟ سابه لغاية ما الأيام خلاصت، ليه يا جماعة؟ عشان ده خير لنا، الفتن دي بتتميز الصحف، بتعرف مين الثابت ومنين اللي في قلبه شك، مين الثابت ومنين اللي عنصر فتنه، الفتنة اللي بيوقع فيها التيار الإسلامي دلوقتي خير لنا احنا، خير لنا ليه؟ زي السحرة بالضبط، إيه اللي فجر الإيمان اللي قالوه ده، لما اخطروا في موقف شدة وفي موقف حرب، لما نتحط في موقف الشدة دي بيطلع الرجال، وبينضج الرجال، وبيفضطر اللي كانوا دهخلين حاسبينها إيه، لا، الرجال اللي عازين ربنا بس هم اللي بيفضلو بالآخر.

غضب سيدنا موسى

بعد كدة سيدنا موسى لما رجع لقومه "غَضْبَانَ أَسْفًا" طه: ٨٦ شوفوا غصب سيدنا موسى، أول حاجة عملها قال للناس إيه؟ "أَعَجِلْتُمْ أَمْرَ رَبِّكُمْ" الأعراف: ١٥٠ أنت استعجلتهم، استعجلتهم على أن عقوبة ربنا تنزل عليكم، وبعد كدة أخذ برأس ولحية هارون يجره إليه، أنت شايفين المنظر يا جماعة ماسكنبي يجره من رأسه وشعره "قَالَ يَا هَارُونُ مَا مَنَعَكَ إِذْ رَأَيْتُمْ ضَلَّوْا * أَلَا تَتَبَعَّنِ أَفَعَصَيْتَ أَمْرِي" طه: ٩٣-٩٢ أنا حاسس أن سيدنا موسى كان بيصرخ يا جماعة، قبل كل ده التوراة اللي ربنا كاتبها له بابديه "الْقَى الْأَلْوَاحَ" الأعراف: ١٥٠ يرميها في الأرض، ترمي كلام ربنا؟ هو مش داري بنفسه أصلًا، ومسك سيدنا هارون يجرجره ودهنبي، يعني كتاب ربنا وأنبياء الله، إيه يا جماعة الغصب ده؟ أنت عارفين الغصب ده ليه؟ ولـي ومولاي أنا يعبد من دونه هذا الصنم في الأرض!! الله يعبد من دونه هذا الوثن؟ الغصب بتاع سيدنا موسى يدل على إيه؟ على التعظيم الهائل اللي في قلبه لله

و بعد ما يكلم هارون يمسك السامری "فَمَا حَطَبْكَ يَا سَامِرِي" طه: ٩٥ "قَالَ بَصَرْتُ عِمَامَةً يَبْصُرُوا بِهِ فَقَبَضْتُ قَبْضَةً مِنْ أَثْرِ الرَّسُولِ فَنَبَدَّلَهَا وَكَذَلِكَ سَوَّلْتُ لِي نَفْسِي" طه: ٩٦ بيشرح له إزاي صنع العجل ده "قَالَ فَادْهَبْ فَإِنَّ لَكَ فِي الْحَيَاةِ أَنْ تَقُولَ لَا مِسَاسَ وَإِنَّ لَكَ مَوْعِدٌ دَه لَنْ تُخْلَفَهُ وَانْظُرْ إِلَى إِلَهِكَ الَّذِي ظَلَّتْ عَلَيْهِ عَاكِفًا لَنَحْرِقَنَّهُ ثُمَّ لَنَسْفِنَهُ" طه:

٩٧

"لَنَحْرِقَنَّهُ" بالتشديد وليس لنحرقنه، أنا حاسس يا جماعة أن قلب سيدنا موسى وهو يقول الكلام ده، قلبه مولع نار، أنا حاسس أن النار اللي في قلبه هي اللي بتخللي الألفاظ النارية دي خارجة على لسانه "ثُمَّ لَنَسْفِنَهُ فِي الْيَمِّ نَسْفًا" طه: ٩٧ إيه ده؟ "إِنَّمَا إِلَهُكُمُ اللَّهُ" طه: ٩٨ الغصب لله ده عالمة التعظيم لله.

"وَعَجَلْتُ إِلَيْكَ رَبِّ لِتَرْضَى" طه: ٨٤ عالمة الحب لله. الحب والتعظيم، زي ما ربنا في أول شوط رياه على النعم اللي بتجيبي الحب والآيات اللي بتجيبي التعظيم، التربية أثمرت في آخر السورة وجابت الحب والتعظيم.

لماذا كلام موسى هارون قبل السامری؟

سيدنا موسى كلام الأول هارون ولا كلام السامری الأول؟ من اللي كلامه الأول؟ هارون هو اللي كلامه الأول، يعني لو رسول الله صلى الله عليه وسلم نزل دلوقتي، وشاف الفساد اللي برة ده، هيروح يكلمنا الأول ولا يكلم الناس اللي فاسدة برة؟ هيكلمنا احنا الأول، أنتم سكتوا ليه؟ أنتم إيه اللي خلاكم تسكتوا؟ يوم القيمة ربنا هيكلم مين؟ هيكلم الدعاة وهيكلم الملتزمين الأول، أنتم إزاي تشووفوا الناس ضايعة وتسكتوا؟ قبل ما يكلم أهل الضلال هيكلم أهل الحق، أنتم إزاي تسكتوا؟ دي مسؤوليتنا يا جماعة، المقصود أن ده بيوصلنا فكرة أن أنت المسؤول، وأنت السبب الأول، قبل حرب أهل الباطل، تخاذل أهل الحق هو السبب الأول لأن تشار الباطل وفساد الناس.

الوحدة خط أحمر

بعد كدة شوفوا الكلمة الخطيرة، سيدنا هارون بيقول لسيدنا موسى إيه؟ بيفسر له هو ليه ما عملش حاجة "إِنِّي حَشِيشُ أَنْ تَقُولَ فَرَقْتَ بَيْنَ بَنِي إِسْرَائِيلَ" طه: ٩٤ ياااه، شوفوا خطورة الوحدة، شوفوا خطورة إن احنا نبقى صف واحد، بيقوله أنا عارف أنت يا موسى أخطر حاجة عندك أن الصف يبقى واحد، فأنا خفت، ما دام المشكلة ينفع تتحلل واحنا لسه صف واحد، ما نفرقش أبداً يا جماعة، التفرق اللي ما بين الملتزمين دلوقتي! التفرق ما بين الجماعات دلوقتي! التفرق اللي ما بين أهل الدين دلوقتي! ما ينفعش، يا جماعة الوحدة دي "تراك"، لو أنت خرجت عنه وأنت

بتعمل لدين الله، يبقى أنت خرجت عن مقصود الله، الوحدة دي خط أحمر أوعى تعديه، شوف أي واحد بيشتغل لدين الله، لو لقيته بيهم، أو لو لقيته بيفرق، أو لو لقيته هو في ناحية والباقي في ناحية، اعرف على طول أن مش هو ده الحق الكامل، الحق الكامل من أهم شروطه أن خط الوحدة ما يتكسرش، أبداً، ما دام ينفع نصلح الأخطاء اللي فيها واحنا أيد واحدة، ما تفرقش أبداً، واخدin بالكم من المعنى يا جماعة، يعني الآيات مليانة إيمانيات، حب وتعظيم، ومليانة فهم لخطورة الوحدة والمسؤولية اللي علينا، ومليانة جهد

"فَالْوَلَا لَكُنْ تَبْرَحَ عَلَيْهِ عَاكِفِين" طه: ٩١ شايفين أهل الباطل عاكفين على نصرة الباطل إزاى، وعاكفين على عبادة الباطل إزاى، يبقى لازم لهم واحد بيبذل مجهد أعلى منهم زي سيدنا موسى، يبقى الشوط الآخراني ده لأن ربنا بيقولك أنك لازم ثمرة التربية علو القلب والتعظيم، علو الفهم المفاهيم اللي قلناها، علو الجهد زي ما هم عاكفين على الباطل احنا كمان نعكف على الحق بإذن الله سبحانه وتعالى.

آيات الآخرة

بعد الشوط بنات تربية موسى النموذج، آيات الآخرة "وَسَأَلَوْنَكَ عَنِ الْجِبَالِ فَقُلْنَ يَنْسِفُهَا رَبِّيْ تَسْفَأً * فَيَدِرُّهَا قَاعًا صَفْصَافًا * لَا تَرَى فِيهَا عِوْجًا وَلَا أَمْنًا" طه: ١٠٥ - ١٠٧ إيه ده؟ ربنا أول حاجة بدأ بها السورة إيه؟ الكلام عن مين؟ عن الله، أول حاجة

قبل ما يقول قصة موسى، وبعد ما قال قصة موسى تكلم عن مين؟ الآخرة، لأن ربنا جاييلك النموذج بنات تربية موسى ما بين الله والآخرة، لأن ربنا بيقولك على أد ما تتربي على معاني الله والدار الآخرة، على أد ما تقترب من هذا النموذج ثم يقول لرسول الله **وَلَا تَعْجَلْ بِالْقُرْآنِ مِنْ قَبْلِ أَنْ يُقْضَى إِلَيْكَ وَحْيُهُ** طه: ٤ لا تستعجل، اتبني أنت الأول، اصلاح أنت الأول "أَمَّ تَرَى إِلَى الَّذِينَ قِيلَ لَهُمْ كُفُوا إِيْدِيكُمْ وَأَقِيمُوا الصَّلَاةَ وَأَتُوا الزَّكَاةَ" النساء: ٧٧ اتربي، دي فترة التربية، عشان فترة المسؤولية هيتجي بعد كده، شوفوا "قَدْ أَفْلَحَ مَنْ تَرَكَى * وَذَكَرَ اسْمَ رَبِّهِ فَصَلَّى" الاعلى: ١٤ احنا عاززين نوصل للمقام ده يا جماعة، إن اسم الله أول ما يجي قدامك، قلبك يرتجف والحب يتفجر والتعظيم يتفجر، تقوم تجري على طول توقف ساعتين تصلي بين أيدي ربنا، عاززين يا جماعة التزكية توصل بنا لهذه الدرجة، عاززين نصلح قلوبنا يا جماعة، عاززين التربية القلبية.

نموذج سيدنا آدم

ثم بعد النموذج ده، النموذج الثاني "وَلَقَدْ عَهَدْنَا إِلَى آدَمَ مِنْ قَبْلِ فَنَسِيَ وَلَمْ يَجِدْ لَهُ عَزْمًا" طه: ١١٥ النموذج الأول اللي صبر على التربية، اللي صبر على أمر الله، وهو سيدنا موسى، والنموذج الثاني سيدنا آدم اللي هو "تَسِيَ وَلَمْ يَجِدْ لَهُ عَزْمًا" لأن ربنا بيقول للنبي صلى الله عليه وسلم قدامك النموذجين، هتتبع ده ولا هتتبع ده، هتصبر ولا هتنسى ولا أجد لك عزماً؟ وهنا ينتهي الشوط الأول وهو شوط تربية المؤمنين، وبيبدأ الشوط الثاني في السورة.

ماذا نقول للناس في الدعوة؟

"وَإِذْ قُلْنَا لِلْمَلَائِكَةَ اسْجُدُوا لِآدَمَ" طه: ١١٦ الشوط الثاني اللي هو دعوة المشركين، لأن بعد ما تربيت خلاص بقى تمام، اخرج للدعوة بقى، يلا اخرجوا للدعوة يا صحابة بقى.

شووط دعوة المشركين المخاور بتعاته إيه يا جماعة؟ أول حاجة ربنا بيقول "فَلَا يُخْرِجُنَّكُمَا مِنَ الْجَنَّةِ فَتَشْقَىٰ" طه: ١١٧
إيه اللي نقولوا للناس يا رب؟ ربنا بيعلمنا أهو اتعلم من القرآن تقول للناس إيه، أول حاجة تروح للناس تقولهم كدة،
تقولهم أن ربنا قسم الدنيا في القرآن حتنين، جنة ودنيا، الجنة هي السعادة، والدنيا هي الشقاء، أي مكان برة الجنة
شقاء، لازم نفهم الناس الموضوع ده يا جماعة، أي مكان برة الجنة شقاء، القهوة شقاء والنادي شقاء والمصايف شقاء،
كل حاجة شقاء، ما فيش مكان فيه سعادة غير الجنة.

"وَمَنْ أَعْرَضَ عَنِ الْذِكْرِ فَإِنَّ لَهُ مَعِيشَةً ضَنْكاً" طه: ١٢٤ فهموهم إن الدنيا من غير ربنا معيشة ضنك، هم واكتتاب
وغم وحزن وضيق وخنق، فهموهم إن الدنيا هتبقي خنقة من غير ربنا سبحانه وتعالى، فهموهم إن مفيش سعادة غير
في الجنة، فهموهم إن هيحشروا عمي يوم القيمة "وَمَنْ أَعْرَضَ عَنِ الْذِكْرِ فَإِنَّ لَهُ مَعِيشَةً ضَنْكاً وَنَخْشُرُهُ يَوْمُ الْقِيَامَةِ
أَعْمَى" طه: ١٢٤ يعني الدنيا هتضيع والآخرة هتضيع لو فضلت تعصي ربنا

"قَالَ رَبِّنِي حَسَرْتَنِي أَعْمَى وَقَدْ كُنْتُ بَصِيرًا" قال كذلك أتنك آياتنا فنسستها وكذلك اليوم تنسى * وكذلك تجزي
من أَسْرَفَ" طه: ١٢٥ ربنا بيقولهم "أَقْلَمَ يَهْدِ لَهُمْ كَمْ أَهْلَكُنَا قَبْلَهُمْ مِنَ الْفُرُونَ" طه: ١٢٨ الآخر الدنيوي
والدنيا كمان هتهلك، واحدين بالكم نكلم الناس في إيه يا جماعة، نقولهم الدنيا هتضيع وما فيش سعادة غير في الجنة،
والجنة هتضيع اللي ما فيش السعادة غير فيها، والآخرة هتضيع وتحشروا عمي، والعقوبات الدنيوية هتنزل عليكم
من الله، ده غير الخنقة اللي في قلوبكم، لازم نكلم الناس كدة، ليه؟ عشان الناس فعلاً تخاف من المعصية اللي بتعملها.
لا تنس العبادة وأنت تدعو

ثم في وسط شوط الدعوة كان ربنا يقول للنبي صلي الله عليه وسلم إياك بعد ما خلصت تربية يهأ لك وأنت خارج
للدعوة إن ماعدش في وقت عبادة... لا... ده أنت لازم وسط الدعوة تستمر في العبادة، عشان الإيمانيات تتجدد في
قلبك باستمرار. "فَاصْبِرْ عَلَىٰ مَا يَقُولُونَ وَسَبِّحْ بِحَمْدِ رَبِّكَ قَبْلَ طُلُوعِ الشَّمْسِ وَقَبْلَ غُرُوبِهَا وَمِنْ آنَاءِ اللَّيْلِ فَسَبِّحْ
وَأَطْرَافَ النَّهَارِ لَعَلَّكَ تَرْضَىٰ" طه: ١٣٠ جلسة الضحي وجلسة تسبيح الآصال، كل ده تسبيح
"وَلَا تَمَدَّنَ عَيْنِيَكَ إِلَىٰ مَا مَتَّعْنَا بِهِ أَرْوَاجًا مِنْهُمْ رَهْرَةَ الْحَيَاةِ الدُّنْيَا" طه: ١٣١ اووعي تبع للدنيا، خلي كل همك أنك
ترتبى، خلي كل همك إن بنيان الدين يتطاول في قلبك، مش بنيان الدنيا يتطاول في إيدك، بنيان الدين اللي يتطاول،
وخليل بالك "وَأَمْرُ أَهْلَكَ بِالصَّلَاةِ وَاصْطَبِرْ عَلَيْهَا" طه: ١٣٢ مراتك، زوجة الداعية، مراتك اللي أنت هتزوجها دي
ممكن تنزل لك الأرض ومكان تساعدك في الدعوة، وراء كل داعية امرأة يا جماعة، امرأة مضحية ومثابرة ومصابرة، اختار
زوجتك كويس جدا، عشان فعلاً تقدر توقف وراك في الدعوة إلى الله سبحانه وتعالى.

"وَأَمْرُ أَهْلَكَ بِالصَّلَاةِ وَاصْطَبِرْ عَلَيْهَا لَا نَسْأَلُكَ رِزْقًا تَحْنُ نَرْفُكَ وَالْعَاقِبةُ لِلْتَّقْوَىٰ" طه: ١٣٢ لأن ربنا بيقول لا تفتكر
إن بقول لك اهتم بالتربية وما تبصـش للدنيا، ده أنت أكتر واحد هتأخذ الدنيا في العالم ده كلـه، ده أنت أكثر واحد
هحط الدنيا في أيده في العالم ده كلـه، بس بعد ما تشتـلي أن قلبك مش معها، عشان لما أديها لك تبقى في إيدك مش
في قلبك

ثم تختـم السورة "قُلْ كُلُّ مُتَرَبِّصٌ فَتَرَبَّصُوا" استـنوا التهدـيد بـتعـتهم "قُلْ كُلُّ مُتَرَبِّصٌ فَتَرَبَّصُوا فَسَتَعْلَمُونَ مِنْ أَصْحَابِ
الصِّرَاطِ السَّوِيِّ وَمَنِ اهْتَدَىٰ" طه: ١٣٥ الكلـمة دي كلمة فيها تسـفيـه لهم، إزاـي؟ هـتـعرفـوا مـينـ كانـ علىـ الصـراـطـ

السوبي وميں مہتدی، وحقی لو قلتمن إن مش احنا فیقیناً مش أنتم، يعني استنوا العذاب، ثم الكلمة کمان فيها تسفیه لهم، يعني بتقلهم إيه؟ أنا على الحق ولا مش على الحق، أنتم يقیناً لا أنتم أصحاب الصراط السوی ولا أنتم من اهتدی،. وتنهی سورة طه يا جماعة، سورة التربية، السورة اللي بتقلک أنت الأول، واهتم بنفسک الأول، واللي وضحت مراحل التربية الثلاثة، عشان لو عاوز تربی نفسک، واللي وضحت أن المرحلة الأولى في حياتك لازم تكون فترة تربية إيمانية.

سورة مريم

نرجع بقى لسورة مريم، أنا قلت سورة طه بالأول بس عشان الفكرة الخطيرة بتاعتھا، الوقت ما يعديش وتنسحب مننا، سورة مريم الفكرة بتاعتھا بسيطة، وعاوزين يا جماعة وببساطة هتبھر بها، أنا فاکر أحد المفسرين قرأت له زمان في أحد الكتب، بيقول إن سورة مريم دي كل ما اسمعها زمان من أحد الشیوخ، الشیخ محمد رفعت الله يرحمه، بيقول كنت أفتح عیني وأقعد منبھر، إيه ده؟ فأنا لما قرأت الكلام ده زمان، قلت يا رب هو منبھر ليه؟ إيه اللي فيها مبھر؟ أما الواحد بفضل الله بدأ يفهم آيات القرآن فهمت إيه اللي فيها مبھر، سورة مريم يا جماعة كلها عطاءات ربانية مبھرة لأهل الإيمان، كلها معجزات وكسر للأسباب، عشان أهل الإيمان يثقو في قدرة الله سبحانه وتعالى

لیه مريم بعد الكھف؟

سورة مريم جت بعد سورة الكھف ليه؟

١. سورة الكھف كلها حركة، لكن سورة مريم كلها محارب وكلها عبادة، واحنا تستريح فيها بعد الكھف
وكمان في رابط ثانٍ : سورة الكھف كلها عطاءات ربانية، وسورة مريم كلها عطاءات ربانية، سورة الكھف العطاءات الربانية اللي أعطاها لأهل الكھف في الكھف "وَتَرَى الشَّمْسَ إِذَا طَلَعَتْ تَزَاوِرُ عَنْ كَهْفِهِمْ ذَاتَ الْيَمِينِ وَإِذَا غَرَبَتْ تُقْرِضُهُمْ ذَاتَ الشِّمَاءِ" الكھف: ١٧ والعطاءات اللي أعطاها للحضر "عَلِمْنَاهُ مِنْ لَدُنَّا عِلْمًا" الكھف: ٦٥
والعطاءات اللي أعطاها لذى القرنين "وَأَتَيْنَاهُ مِنْ كُلِّ شَيْءٍ سَبِيلًا" الكھف: ٨٤ كلها عطاءات ربانية وسورة مريم
كمان كلها عطاءات ربانية، سيدنا زکریا بعد ما كبر ياخد ولد، والسيدة مريم تولد ولد من غير زوج، وسيدنا إبراهيم
بعد ما كبر ياخد اثنين من الأنبياء، وكمان ذريتهم أنبياء، وسيدنا موسى ربنا يكلمه، وسيدنا إدريس ربنا يرفعه مكاناً
علياً، إيه ده يا رب؟ إيه العطاءات دي؟ طوفان من العطاءات الربانية

سورة مريم دي طوفان، بتحسسک إن في کنوؤ قاعدة تنزل، طب أنا نصيبي إيه؟ أنا عاوز شوية من الکنوؤ دي، آخذها
إزاى؟

سورة طه اللي بتيجي بعدها عشان تقلک تأخذها إزاى، لو مشيت في الطريق بتاع سورة طه، هتوصل في الآخر للمقام
اللي يتنزل عليك فيه فتوحات سورة مريم، لأن ربنا يعلم إنك بعد ما تسمع سورة مريم، هتقول إيه ده يا رب؟ الأنبياء
دول أنا ماقدرش أوصل للمقامات دي؟ بعد ما انبهرت بها أنا مش هأقدر أوصلها؟ لأن ربنا يقولك لا... تقدر، لو

مشيت في طريق طه، هتعرف أنت توصل للمستوى اللي ينزل عليك عطاءات مريم
يعني ربنا الأول يطعمك في الغایة، يوريك باب السماء اللي افتح لغيرك، كل ده بيحصل وبعد كدة يقفل الباب، عاوز
توصلك؟ آه، هتصبر؟ آه، هتتحمل؟ هأتتحمل، خد طه عشان تعرفك توصل إزاى.

إيه سبب تسمية سورة مریم؟

سورة مریم اسمها سورة مریم ليه؟ ما فيها إبراهيم وفيها زکریا، وفيها عیسی وفیها یحیی، ومليانة رجاله أنبياء، اسمعنی تتسمی بایسم المرأة الوحيدة اللي فيها؟ لأن ربنا يقولك إن المرأة ممكن توصل زى الرجل بالضبط، وإن المرأة ممكن يخرج منها بطولات زى الرجال بالضبط، طب ليه يا رب؟ عشان ربنا يعرف المرأة أنها ممكن توصل زيه زى الرجل و في نفس الوقت عشان ربنا سبحانه وتعالى يعرفنا قصة مریم، قصة مریم دي فيها من الآيات في هذه السورة، "ذکر رحمة ربک عبده رَّگریاً * إِذْ نَادَى رَبَّهُ نِدَاءَ حَقِیًّا * قَالَ رَبِّنِی وَهَنَ الْعَظُمُ مِنِي وَأَشْتَغَلَ الرَّأْسُ شَبِیْبًا" مریم ٢٤ ما فيش أسباب خالص، قصة مریم مش كدة يا جماعة، قصة مریم ربنا في وسط المعجزات اللي عملها لها بيقلها "وَهُزِی إِلَيْكَ بِجَدْعِ النَّحْلَةِ" مریم: ٢٥ الله أكبر، ليه يا رب؟ عشان لأن ربنا يقولك لا تفتكر وأنا أكلمك عن المعجزات وكسر الأسباب، إن على طول هي ماشية كدة، لا، لو بيايدك سبب تقدر تأخذه لازم تأخذه، يا رب ده لو ٢٠ راجل هزوا نخلة، مش هتنزل بلحة، هي هتنزل وهي لسه والدة؟ بس تأخذ بالأسباب، وربنا سبحانه وتعالى يريدها تأخذ بالأسباب، وأنه يضع الأخذ بالأسباب وسط سورة مریم عشان يعلمك إيه؟ الموازنة ما بين الربانية وما بين الأخذ بالأسباب، ما بين الإثنين

فسورة مریم يا جماعة، سميت على اسم امرأة، ليه؟ لأن المرأة، لما البطولات تصدر من الرجال ماشي، إنما تصدر من امرأة ويتحطط اسمها عشان نعرف دور المرأة الخطير، أو قدرة المرأة الخطيرة على الوصول إلى الله، والسبق إلى الله سبحانه وتعالى

موضوع سورة مریم

أول سورة مریم "کھیعص" مریم: ١ حروف مقطعة، ليه يا رب؟ عشان الثقة، يعني السور دي كلها بتتكلك لازم يبقى عندك ثقة في الله سبحانه وتعالى.

سورة مریم يتتكلم عن إيه يا جماعة؟ موضوعها إيه؟ أكثر سورة ذكر فيها اسم الله "الرحمن" في القرآن كلها سورة مریم، أكثر سورة، واسم الله "الرحمن" هذا له معنيين، معنى الرحمة اللي برحمته، لو رحمسك، سيغرقك عطاءات، ومعنى العزة، اللي بعنته، لو غضب عليك، سينكل عليك في الدنيا والآخرة

فسورة مریم نصفين، النصف الأولاني كلها عن عطاءات الرحمن لأوليائه، والنصف الثاني كلها عن عقوبات الرحمن للأعداء، لأن ربنا بيقل لك حاسب من الله الرحمن "إِنْ قُلُوبَ بْنِ آدَمَ كَلَّهَا بَيْنَ إِصْبَاعَ الرَّحْمَنِ" صححه الألباني أهو، المؤشر بتاع قلبك أهو، ممكن يجي الناحية دي على إذاعة القرآن الكريم، وممكن يجي الناحية دي على سوا سوا، ممكن يخليلك في الجامع، وممكن يخليلك دلوقتي والعياذ بالله في أفجر حالات البشر، يعني ربنا ممكن يرفعك السما ومكان ينزلك الأرض، يبقى اسم الله "الرحمن" يشير في قلب المؤمن رجاء رهيب في عطاءات الله، وخوف رهيب من عقوبات الله سبحانه وتعالى.

عطاءات الرحمن لأوليائه

كل قصص العطاءات عبارة عن حاجتين، جزء عطاءات وجزء بطولات.

قصة سيدنا زکریا

إِذْ نَادَى رَبَّهُ نِدَاءً حَفِيَّاً مريم: ٣ ليه "نِدَاءً حَفِيَّاً" واحد عنده ١٠٠ سنة ولا ٩٠ سنة، وافق بيقول يا رب اديني ولد، ومراتي يا رب ما بتخلفس وهي عندها ١٥ سنة، دلوقتي عندها ٧٠ أو ٨٠ سنة، لو حد سمعه هيقول إيه؟ عشان كدة الناس مبتفهمش اليقين ده "نِدَاءً حَفِيَّاً" عشان ما حدش يقول حاجة
قَالَ رَبِّ إِنِّي وَهَنَ الْعَظُمُ مِنِّي مريم: ٤ يا رب أنا كبرت وضعفت "وَأَشْتَعَلَ الرَّأْسُ شَيْئًا وَمَأْكُنْ بِدُعَائِكَ رَبِّ شَقِيَّاً" مريم: ٤ عمري زي ما رفعت لك يدي وشققت مع دعائك أبدا يا رب، عمري ما توجهت ليك بالدعاء وشققت مع دعائك أبدا يا رب.

وَإِنِّي حِفْتُ الْمَوَالِيَّ مِنْ وَرَائِي مريم: ٥ مين اللي هييشيل الدين من بعدي يا رب؟ مين اللي هييشيل الدعوة من بعدي يا رب؟ الأنبياء طلبو الدنيا ليه يا جماعة؟ ليه سيدنا سليمان طلب الملك؟ عشان يسخره في الدعوة، ليه سيدنا محمد صلى الله عليه وسلم طلب المصال؟ عشان يسخره في الدعوة، ليه سيدنا أيوب طلب الشفاء؟ عشان الناس لما تشفوف الداعية مريض ومبتلى، ممكن تقول السكة دي سكة ابتلاءات، عشان الناس ما تفتنش عن الدعوة، ليه سيدنا زكريا طلب الولد؟ عشان اللي ييشيل الدعوة من بعده، يعني كانوا عاززين الدنيا عشان الدين، كانوا عاززين الدنيا عشان يسخروها في الآخرة.

وَإِنِّي حِفْتُ الْمَوَالِيَّ مِنْ وَرَائِي وَكَانَتِ امْرَأَيِّ عَاقِرًا فَهَبْ لِي مِنْ لَدُنْكَ وَلِيَا مريم: ٥ شايف الأدب؟ يا رب أنا عاوز هبة يا رب، يارب أنا عايز حاجة أنا ما أديتش ثمنها، التسعين سنة عبادة اللي فاتوا دول مش ثمن حاجة، ولكن أنا عاوز منك هبة أنك تديني "فَهَبْ لِي مِنْ لَدُنْكَ وَلِيَا" مريم: ٥ أنا عاوز منك ابن "بِرْثِنِي وَبِرْثُ مِنْ آلِ يَعْقُوبَ" مريم: ٦ ييشيل العلم من بعدي وييشيل الدعوة من بعدي "وَاجْعَلْهُ رَبِّ رَضِيَّاً" مريم: ٦ اجعله من أهل الرضا يا رب نفاجأ يا جماعة بعد ما سيدنا زكريا يخلص دعاءه "فَخَرَجَ عَلَى قَوْمِهِ مِنِ الْمِحْرَابِ" مريم: ١١ يعني كل ده كان في المحراب، العبادة، سيدنا زكريا في المحراب والسيدة مريم في المحراب، سورة مريم بتقلل لازم تبقى من أهل المغارب، لازم تبقى من أهل العبادة، لازم العشر أيام الحা�يin بتوع الاعتكاف توصل الليل بالنهار عبادة فيهم، لازم من أهل العبادة لله سبحانه وتعالى، عشان كدة كلها في المحراب "فَأَوْحَى إِلَيْهِمْ أَنْ سَبِّحُوا بُكْرَةً وَعَشِيًّا" مريم: ١١ اقعد سبح ربنا ليل نهار، سبحه بالبكور وسبحه بالعشى سبحانه وتعالى.

قصة سيدنا يحيى

بعد كدة بتيجي قصة يحيى، إيه البطولات وإيه الكرامات؟ البطولات "خُذِ الْكِتَابَ بِقُوَّةِ" مريم: ١٢ مع سيدنا زكريا الكرامات عطاء الولد، البطولات كل المقامات الإيمانية اللي احنا قلناها. مع سيدنا يحيى "خُذِ الْكِتَابَ بِقُوَّةِ" خليلك قوي في أخذ القرآن، لما تسمع عن حاجة خذها بقوة، لما تسمع عن أي حاجة في العبادة ولا التربية الإيمانية خذها بقوة، يعني أنا هتربي هتربي، هوصل يعني هوصل. ربنا أعطاه إيه؟ "وَآتَيْنَاهُ الْحُكْمَ صَيْبَانِ" * وَحَنَّا مِنْ لَدُنَّ وَرَكَاهَ وَكَانَ تَقِيًّا" مريم: ١٣ . ١٢ عطاءات ربنا.

مشهد سيدنا عيسى عليه السلام

ثم قصة السيدة مريم، اللي بتخلص في الآخر بمشهد سيدنا عيسى عليه السلام، وهو طفل، وهو لسه رضيع ينطق في المهد ويقول "قَالَ إِنِّي عَبْدُ اللَّهِ" مريم: ٣٠ أول كلمة قالها عبد، عشان اللي هيفتوا به بعد كدة، يبقى رد على الذين

سيغلوون به قبل أن يرد على الذين سيكذبونه "قَالَ إِنِّي عَبْدُ اللَّهِ آتَانِي الْكِتَابَ" مريم: ٣٠ "عَبْدُ اللَّهِ" عشان اللي غلوا فيه النصارى، و"آتَانِي الْكِتَابَ" عشان اللي كذبوا به اليهود، رد على اللي غلوا فيه قبل اللي كذبوا به، الغلو أخطر في الدين، التشدد أخطر في الدين من التسيب يا جماعة، الإنسان المتشدد اللي دماغه مقوولة أخطر على الدين من التسيب - خدوا بالكم - عشان كدة رد على دول قبل دول.

كن مباركاً أينما كنت

"وَجَعَلَنِي مُبَارَّكًا أَيْنَ مَا كُنْتُ" مريم: ٣١ هو ده المقام اللي احنا عايزين نخرج به، تبقى مبارك أينما كنت، تبقى في رمضان إنسان مبارك، ٥ واحد يدخلوا المسجد في رمضان على ايدك، تبقى في الاعتكاف إنسان مبارك، ٢٠ واحد من أصحابك يأتون ليتكلفوا معاك على ايدك، تبقى بعد رمضان مبارك، في الدعوة في الجامعة وسط أصحابك، تبقى إنسان مبارك في كل مكان، تركب الميكروباص اللي مشغل أغاني، دققتين وبيقى مشغل القرآن، تدعى على شلة بيعاكسوا بنات توقف معاهم خمس دقائق يدخلوا معك الجامع، خليلك مبارك أينما كنت، خليلك مبارك في دفعتك، بعد ثلاث أربع سنتين من الوجود فيها نصفها يلتزم على ايدك، خليلك مبارك في حنتك، نص شباب الحلة يلتزموا على ايدك، خليلك مبارك في المسجد بتاع الحلة بتاعتك، بعد ما كان صفين، بعد سنتين ثلاثة من الدروس اللي بتديها فيه والدعوة اللي أنت عاملها فيه، بيقوا سبع ثمان صفوف على ايدك، خليلك مبارك في كل مكان تروح فيه، خليلك شايل دعوة الله وشايل الإيمان بالله في كل مكان تروح فيه.

قصة سيدنا إبراهيم

بعد كدة يا جماعة قصة سيدنا إبراهيم، اللي بتبين بطولة سيدنا إبراهيم في الدعوة، وصبره على أبيه، ماتقلش ما فيش وقت، أبويا إيه؟ أنا مش فاضي، أنا وراي أدعو أصحابي، ووراي أن أنا أطلب علم ولا أطلب إيمان، يا جماعة لازم ناخد بالنا من الحلة دي كويس جدا، أوعى تستخسر وقت في دعوة أبوك وأمك، أوعى تستخسر وقت في بر الوالدين، أوعى، سيدنا إبراهيم نصف صفحة كاملة قاعد يدعوا أبوه وأمه. وفي الآخر بيقول إيه؟ "عَسَى أَلَا أَكُونْ بِدُعَاءِ رَبِّي شَقِيقًا" مريم: ٤٨ عكس الكلمة اللي قالها سيدنا زكريا في أول السورة، يعني إيه؟ يعني لو ما اشتغلتش في الدعوة، وأعلنت تبرؤك من العاصي اللي ترتكب على الأرض بأنك تشتغل في الدعوة، ممكن ربنا يحرملك من إجابة الدعاء، عرفتم ليه الأمة دلوقتي محرومة من إجابة الدعاء؟ لأن الأمة ما عدتش شغالة في الدعوة يا جماعة، ولو عاوز يستجاب دعاءك لازم تشتعل في الدعوة إلى الله. إيه العطاءات يا رب قصاد البطولات دي؟ "وَهَبْنَا لَهُ إِسْحَاقَ وَيَعْقُوبَ وَكَلَّا جَعَلْنَا نَبِيًّا" مريم: ٩ الوهاب اللي ربنا وهبه له.

بطولات وعطاءات الأنبياء في آية واحدة

قصص الأنبياء دي كلها ربنا سبحانه وتعالى جمعها في الآخر في آية واحدة، جمع كل البطولات وكل العطاءات في كلمة أو في آية واحدة جمعت الاثنين "أُولَئِكَ الَّذِينَ أَنْعَمَ اللَّهُ عَلَيْهِمْ مِنَ النَّبِيِّينَ مَعَ نُوحٍ وَمَنْ ذُرِّيَّةَ إِبْرَاهِيمَ وَإِسْرَائِيلَ" مريم: ٥٨ الإنعام أهو، العطاءات أهو، أديتهم العطاءات دي كلها ليه، ربنا قبل ما يختتم شوط العطاءات عشان يعرفك السكة، أعطاك كلمة واحدة بس لما حققوها أعطاهم العطاءات دي كلها "إِذَا ثُنَّلَ عَلَيْهِمْ آيَاتُ الرَّحْمَنِ" مريم: ٥٨ لما القرآن ينزل على قلبك "إِذَا ثُنَّلَ عَلَيْهِمْ آيَاتُ الرَّحْمَنِ حَرُّوا سُجْدًا وَبُكْيًا" مريم: ٥٨

تربيـة القـلب هي سـر الفـتوح

رقـة القـلب، تـرـبيـة القـلب، صـلاـح القـلب، العـبـادـة والإيمـانـيات هي دـي سـر الفـتوـح، مـا تـتـرـى في الـحـرـاب صـحـ، تـتـمـلـى إيمـانـيات وعـبـادـة، تـسـمـع آـيـات القرآن الدـمـوع تسـيل من عـيـنـيكـ، أـبـشـرـ أنـ رـبـنا هـيـنـزـلـ عـلـيـكـ عـطـاءـات لا حـصـرـ لهاـ، وـأـبـشـرـ أنـ رـبـنا هـيـسـتـعـمـلـكـ فيـ دـيـنـهـ اـسـتـعـمـالـ لمـ تـكـنـ تـتـوـقـعـهـ، يـا جـمـاعـةـ الـاسـتـعـمـالـ عـلـىـ أـدـ الإـيمـانـ، يـا جـمـاعـةـ الإـصـطـفـاءـ عـلـىـ أـدـ الإـيمـانـ مشـ بـالـمـلـوـاهـبـ، مـمـكـنـ وـاحـدـ قـاعـدـ مـعـاـنـاـ دـلـوقـتـيـ لـسـانـهـ ٥٠ـ مـتـرـ، لوـ تـكـلمـ عنـ رـبـناـ يـخـلـيـ النـاسـ كـلـهاـ تـدـخـلـ جـامـعـ، وـرـبـناـ ماـ يـسـتـعـمـلـوـشـ لـأـنـهـ قـلـبـهـ مشـ نـضـيفـ، وـمـمـكـنـ وـاحـدـ قـاعـدـ مـعـاـنـاـ دـلـوقـتـيـ بـسـيـطـ وـرـبـناـ يـخـلـيـهـ بـكـرـةـ دـاعـيـهـ يـطـلـعـ الـمـنـابـرـ، لـيـهـ؟ عـشـانـ قـلـبـهـ مـعـ اللـهـ سـبـحـانـهـ وـتـعـالـيـ، الإـسـتـعـمـالـ عـلـىـ أـدـ الإـيمـانـ، وـعـلـىـ قـدـ ماـ هـتـتـرـىـ إـيمـانـيـاـ عـلـىـ قـدـ ماـ رـبـناـ سـبـحـانـهـ وـتـعـالـيـ هـيـسـتـعـمـلـكـ.

تنـكـيـلـ اللـهـ بـأـعـدـائـهـ

الـنـصـفـ الثـانـيـ مـنـ السـوـرـةـ كـلـهـ تـنـكـيـلـ اللـهـ بـأـعـدـائـهـ "فـخـلـفـ مـنـ بـعـدـهـمـ خـلـفـ أـصـاعـعـوا الصـلـاـةـ وـاتـبـعـوا الشـهـوـاتـ" مـرـيمـ: ٥٩ـ مـاـ عـمـلـواـ كـدـةـ رـبـناـ قـالـ "فـسـوـفـ يـلـقـؤـنـ غـيـارـ" مـرـيمـ: ٥٩ـ وـادـيـ فـيـ جـهـنـمـ سـيـشـوـونـ فـيـهـ بـعـدـ كـدـةـ "وـيـقـوـلـ الـإـنـسـانـ أـئـدـاـ مـاـ مـتـ لـسـوـفـ أـخـرـجـ حـيـاـ" مـرـيمـ: ٦٦ـ أـهـوـ، حـاجـاتـ بـتـغـضـبـ اللـهـ "أـوـلـاـ يـذـكـرـ الـإـنـسـانـ أـنـاـ خـلـقـنـاـهـ مـنـ قـبـلـ وـلـمـ يـكـنـ شـيـئـاـ" فـوـرـيـكـ لـخـسـرـهـمـ وـالـشـيـاطـيـنـ" مـرـيمـ: ٦٧ـ ٦٨ـ كـلـ الـمـجـرـمـينـ، مـجـرـمـينـ الـأـنـسـ وـمـجـرـمـينـ الـجـنـ "الـنـخـسـرـهـمـ وـالـشـيـاطـيـنـ ثـمـ لـخـسـرـهـمـ حـوـلـ جـهـنـمـ جـيـشـاـ" مـرـيمـ: ٦٨ـ قـاعـدـيـنـ عـلـىـ رـكـبـهـمـ فـيـ الذـلـ وـالـوـصـبـ وـالـسـلاـسـلـ وـالـأـغـلـالـ. "ثـمـ لـتـنـزـعـنـ" النـزـعـ دـهـ مـعـنـاهـ أـهـنـ بـيـقاـوـمـ وـبـيـمـسـكـ فـيـ الـأـرـضـ، وـبـيـمـسـكـ فـيـ النـاسـ، وـلـكـنـ بـيـتـنـزـعـ "ثـمـ لـتـنـزـعـنـ مـنـ كـلـ شـيـعـةـ أـيـهـمـ أـشـدـ عـلـىـ الرـحـمـانـ عـتـيـاـ" مـرـيمـ: ٦٩ـ أـشـدـ وـاحـدـ كـانـ يـتـكـبـرـ عـلـيـ يـتـمـيـ فـيـ النـارـ الـأـولـ حـسـابـ الـلـحـظـةـ دـيـ، لـحظـةـ ماـ هـتـعـدـيـ مـنـ عـلـىـ الـصـرـاطـ "كـانـ عـلـىـ رـيـكـ حـتـمـاـ مـقـضـيـاـ" ثـمـ نـتـحـيـ الـذـيـنـ اـتـقـواـ وـنـذـرـ الـظـالـمـيـنـ فـيـهـاـ جـيـشـاـ" مـرـيمـ: ٧١ـ ٧٢ـ يـعـنـيـ إـيـهـ "جـيـشـاـ"؟ يـعـنـيـ حـتـىـ وـهـوـ فـيـ النـارـ جـاـثـيـ وـقـاعـدـ يـتـوـسـلـ، يـاـ رـبـ الـجـنـيـ ياـ رـبـ، يـاـ رـبـ خـرجـنيـ، قـاعـدـ يـنـادـيـ فـيـ رـبـناـ وـيـنـادـيـ فـيـ الـمـلـائـكـةـ وـيـنـادـيـ فـيـ الـكـبـراءـ، وـيـنـادـيـ فـيـ أـيـ حـدـ يـخـرـجـهـ، وـيـنـادـيـ فـيـ الـمـؤـمـنـيـنـ يـدـولـهـ شـرـبةـ مـاءـ، وـيـظـلـ جـيـشـاـ وـالـعـيـادـ بـالـلـهـ فـيـ جـهـنـمـ يـبـقـيـ شـايـفـ كـانـ رـبـناـ بـيـقـولـ لـكـ شـوـفـ أـنـاـ لـمـ أـنـتـقـمـ أـعـمـلـ إـيـهـ، وـشـوـفـ أـنـاـ لـمـ أـغـضـبـ أـعـمـلـ إـيـهـ "أـفـرـأـيـتـ الـذـيـ كـفـرـ بـيـاتـيـنـاـ وـقـالـ لـأـوـتـيـنـ مـالـاـ وـوـلـداـ" مـرـيمـ: ٧٧ـ بـعـدـ مـاـ أـغـضـبـنـاـ عـاـوـزـ كـمـانـ دـنـيـاـ "أـطـلـعـ الـغـيـبـ أـمـ اـنـجـدـ عـنـدـ الرـحـمـانـ عـهـداـ" مـرـيمـ: ٧٨ـ كـلـاـ هـذـاـ لـاـ يـكـوـنـ أـبـداـ "كـلـاـ سـنـكـتـبـ مـاـ يـقـوـلـ وـنـمـدـ لـهـ مـنـ الـعـذـابـ مـداـ" مـرـيمـ: ٧٩ـ فـيـ الـدـنـيـاـ قـبـلـ الـآخـرـةـ "وـنـرـثـهـ مـاـ يـقـوـلـ وـيـأـتـيـنـاـ فـرـداـ" مـرـيمـ: ٨٠ـ رـبـناـ سـبـحـانـهـ وـتـعـالـيـ يـعـدـ الـجـرـائـمـ الـلـيـ أـهـلـ الـبـاطـلـ اـنـتـهـكـواـ حـرـماتـ اللـهـ فـيـهـ وـالـلـيـ النـصـارـىـ لـمـ قـالـواـ "وـقـالـواـ اـنـجـدـ الرـحـمـانـ وـلـداـ" لـقـدـ جـيـشـمـ شـيـئـاـ إـداـ * تـكـادـ السـمـاـوـاتـ يـنـفـطـرـنـ مـنـهـ وـتـنـشـقـ الـأـرـضـ وـبـخـرـ الـجـبـاـلـ هـذاـ * أـنـ دـعـواـ لـلـرـحـمـنـ وـلـداـ * وـمـاـ يـبـغـيـ لـلـرـحـمـنـ أـنـ يـتـعـدـ وـلـداـ * إـنـ كـلـ مـنـ فـيـ السـمـاـوـاتـ وـالـأـرـضـ إـلـاـ آـتـيـ الـرـحـمـانـ عـبـدـاـ * لـقـدـ أـخـصـاـهـمـ وـعـدـهـمـ عـدـاـ * وـكـلـهـمـ آـتـيـهـ يـوـمـ الـقـيـامـةـ فـرـداـ" مـرـيمـ: ٨٨ـ ٩٥ـ عـودـةـ إـلـىـ عـطـاءـاتـ اللـهـ لـأـوـلـائـهـ

الشوط الثاني كله غضب الله على أعدائه، والشوط الأول كله عطاءات الله لأوليائه، ثم نرجع ثانية لعطاءات الله لأوليائه، عشان ربنا يكون بدأ السورة وختمنها بعطاءات الأولياء "إِنَّ الَّذِينَ آمَنُوا وَعَمِلُوا الصَّالِحَاتِ سَيَجْعَلُهُمْ

الرَّحْمَانُ وَدَا" مريم: ٩٦ ربنا وعدك بالولد

اطمع في خزائن فتوحات الله

أنا عاوز يا جماعة الحديث اللي يخرج في قلوبنا، واحنا خارجين من سورة مريم، لما الرسول صلى الله عليه وسلم أيقظ زوجاته في جوف الليل وقام لهم إيه؟ "ماذا أنزل الله من الخزائن" صحيح

كل ليلة خزائن الفتوحات يتنزل منها فتوحات يا جماعة، الله أعلم الليلة ربنا هيفتح على مين أنه يصطفيه للدعوة، والله أعلم الليلة ربنا هيفتح على قلب مين باليقين، والله أعلم ربنا هيفتح على مين الليلة بالتوبة، والله أعلم ربنا هيفتح على مين الليلة بالالتزام، ماذا فتح الليلة من الخزائن؟ يا جماعة مش عايزين الليلة؟

كل ليلة الخزائن تفتح وتتنزل الفتوحات، واحنا كل ليلة نخرج من غير حاجة، مش عاوزين يا جماعة؟ سنين طول عمرنا كل ليلة الفتوحات تنزل، واحنا مالناش حظ فيها، عاوزين يبقى لنا نصيب في العطاءات دي، خليك عندك طموح في عطاءات الله سبحانه وتعالى. طيب أوصل إزاي يا رب؟ ده الناس دي عالية أوي اللي خدت العطاءات يا رب؟ ده مقام "خَرُّوا سُجَّداً وَنُكِيَّاً" مريم: ٥٨ ده عالي أوي يا رب، ده مقامات عالية أوي، عايز توصل للمقامات دي، وتوصل للعطاءات دي؟ ادخل سورة طه، وامشي في الطريق بتاع سورة طه. اللي نركر على أول محطة فيه النهارده يا جماعة اللي هي محطة التربية الإيمانية ومعاملة الله، ومش هنمشي النهارده بإذن الله غير لما نقول آخر كلمة وهي كيف نصل إلى الله، استخلاصاً من سورة طه.

كيف نصل إلى الله؟

عشان نوصل للمقامات بتاعت سورة مريم، كيف نصل إلى الله؟

١. قوة العبادة : العبادة دي بتخللي قلبك حساس جداً، أقل كلمة عن ربنا تنبت مقامات الإيمان، لما ربنا قال لسيدنا موسى "وَأَقِمِ الصَّلَاةَ لِذِكْرِي" طه: ١٤ وما قال لسيدنا محمد "وَسَبِّحْ بِحَمْدِ رَبِّكَ قَبْلَ طُلُوعِ الشَّمْسِ وَقَبْلَ غُرُوبِهَا" طه: ٣٤ وما سيدنا موسى قال "كَيْ نُسَبِّحَكَ كَثِيرًا * وَنَذْكُرْكَ كَثِيرًا" طه: ٣٣ وما قال لسيدنا موسى "لَا تَنِيَا فِي ذِكْرِي" طه: ٤٢ قوة العبادة.

٢. استشعار وتذكرة نعم الله بإستمرار : ورقة النعم دي لازم تتعمل... لازم، وخلبي من ورقة النعم إنك انت تعرف تقرا الرسائل الربانية، لازم يبقى عندك فقه في قراءة الرسائل الربانية، شوف ربنا عمل لك إيه طول حياتك، وحط ترتيب الله لك في النعم وحط دخولك الجامع اليوم من ضمن النعم.

٣. معاملة الله : أخطر طريق توصل منه لربنا، سيدنا موسى عامل ربنا، مسك العصابة وهي لسه تعبان، وهو واثق أن ربنا سيرجعها عصابة مرة ثانية، لازم نعامل ربنا عشان الثقة تجي بالله

معامل ربنا إزاي؟ لما هتمشي في طريق العبادة، وهتمشي في طريق الدعوة، هتشوف آيات وتشوف كرامات وتشوف رؤى، أجي بعد كدة أقولك إيه الدليل على وجود الله؟ تقولي وجود الله، امش يا جاهل، وجود الله إيه؟ إمال مين اللي عملي كل ده؟ ومنين اللي وراني الرؤى دي؟ ومنين اللي رتب لي حيatic؟ ومنين اللي حل لي مشاكل؟ أنت جاي تقولي إيه

الدليل على وجود الله؟ إيه الدليل على وجودك أنت، ده أنتم كلكم سراب ووهم، والحقيقة العظمى في هذا الكون هي الله، تبقى فعلاً ماسك حاجة في إيدك
سيدنا موسى وصل بالمعاملة مقام "كَلَّا إِنْ مَعِي رَبِّي سَيَهُدِّينَ" الشعراة: ٦٢ يبقى الحاجة الثالثة معاملة ربنا اللي بتيجي بأنك تمشي في طريق الله سبحانه وتعالى.

٤. أنت الأول، ألا تؤثر أحداً بحظك من الله : لما ربنا أوحى لسيدنا محمد صلى الله عليه وسلم نزل القرآن على قلبك الأول، ولما أوحى لموسى بالصلاحة قبل أي حد، يبقى إذاً يا جماعة ألا تؤثر أحداً بحظك من الله، إن يبقى الأولوية في حياتك للتربية القلبية، الأولوية لإصلاح القلب، هو ده الطريق الرابع للوصول إلى الله.

٥. المجاهدة والعزم : "فَنَسِيَ وَمَنْ نَجَدْ لَهُ عَزْمًا" طه: ١١٥ ده لأن، كدة مش هتوصل، لو فضلت توقع كثير مش هتوصل، لازم يبقى عندك مجاهدة، ولازم يبقى عندك عزم، زي مجاهدة سيدنا موسى طول السورة، ومتبقاش من المموج الثاني المذكور في السورة اللي هو "فَنَسِيَ وَمَنْ نَجَدْ لَهُ عَزْمًا" طه: ١١٥ يبقى المجاهدة والعزم.

٦. دراسة الأسماء والصفات : فين نلاقي الكلام ده؟ في أول السورة، لما ربنا بدأ أول السورة بشوط من الكلام عن الله سبحانه وتعالى، أنك تعرف إن ربنا كبير يبقى الطريق اللي بعد كدة هو دراسة الأسماء والصفات يبقى قوة العبادة، تذكر نعم الله وقراءة الرسائل الربانية، معاملة الله، دراسة الأسماء والصفات، أن الأولوية تبقى في التربية القلبية والعبادة، وبعد كدة قوة المجاهدة وقوة العزم، وأنك أنت تمشي في الطريق ده بكل عزم في الطريق إلى الله.

لا خيار لنا في معرفة الله

عاوز أقولكم يا جماعة أن الوصول إلى معرفة الله حاجة لا خيار لنا فيها، لو ما وصلتش لمعرفة الله، انت دلوقتي وأنت نازل تدعوا هتخف، لو أنت تعرف الله لن تخف، طب وأنت نازل تدعوا إلى الله فيه مشاق وطريق طويل، لو أنت تعرف الله هتصبر "ولربك فاصبر" المدثر: ٧

طب وأنت نازل تدعوا إلى الله ما في تضحيات مطلوبة، لو أنت تعرف الله هتعرف أنت بتضحي عشان مين، طب وأنت نازل تدعوا إلى الله الناس يمكن لو سمعت كلمة وشافت النور على وجهك وأنت بتقوها هتتأثر بك وتيجي، إنما لو الكلام ثقيل مش هيأثر فيهم، يبقى عشان الروحانية تيجي في وجهك وعينيك وفي كلامك، وتيجي في سمتك، لو أنت تعرف الله النور والروحانية هتيجي في وجهك

يبقى إذاً السورتين دول يا جماعة بيكلمونا عن معرفة الله، سورة مريم بتتكلمنا عن الربانية، وسورة طه بتتكلمنا عن التربية، من أجل الوصول إلى هذه الربانية.

أقول قولي هذا وأستغفر الله لي ولكم. سبحانه الله وبحمدك، أشهد ألا إله إلا أنت، أستغفرك وأتوب إليك.

تم بحمد الله

شاهدوا الدرس للنشر على النت في قسم تفريغ الدروس تفضلوا هنا :

<http://www.way2allah.com/forums/forumdisplay.php?s=d5fa851b936c6742ef5d2ac53524ee58&f=36>